

十三



十三

永樂二年至七年

國權

甲申永樂二年

鹽官談遷孺木著

五月辛月丑朔國子監祭酒徐旭書奏不謹當降

上問吏部尚書

蹇義旭何如對曰文有學守寡合上然之改翰林脩撰

諸司辦事進士曾慎魏騏吳惇漆霄趙理趙琰韓庸史彬徐

觀樊靜曹彥昌陳旭田埶羅處富邢旭曾恕王完葉貞陳興

俞禮趙濬潘中徐昫胡秉彝周志義俞益曹睦楊儀鳳譚原

性俱能書選翰林院庶吉士

命北京百姓有犯應決者許收贖

夜金星犯鬼

壬寅豐城侯李彬率軍鎮廣東清遠伯王友為總兵官都指揮僉事郭義副之巡海

建昌府教授于敬為江西道監察御史復楊直浙江道監察御史建文初出青州知府坐免

癸卯夜水星犯六諸王四星

甲辰禮部以琉球山南王貢使市處州磁器當罪上以懷遠不問

乙巳設散毛施南二長官司隸大田軍民千戶所初元時各

置賞慰司洪武六年改宣撫司又設龍潭安撫司隸散毛二

十三年廢設大田所至是土官子覃友諒等奏復之降長官

司友諒為散毛長官田應虎副之覃添福為施南長官覃敬

副之

丙午夜大星如斗赤光出雲中

丁未夜大星赤光燭地出北斗魁行入文昌

戊申通政司右通政兼右春坊右中允儀智為湖廣右布政

使應天府丞王公亮為四川右布政使母仁典史李素為山

西道監察御史

庚戌上詣孝陵先日錦衣衛請具法駕命祇數騎前導顧

侍臣曰皇考忌辰方屬感慕之時自非辟道導騎亦可省

也

辛亥貢士莫福為刑科給事中

壬子戶部右侍郎劉觀改右副都御史

甲寅右軍都督僉事臨淮景福卒洪武中會州衛指揮同知

乙卯監生朱政黃理柴震俱為兵科給事中西安府經歷黃

友信為陝西道監察御史

設廣西憑祥縣時憑祥巡檢司土巡檢李昇言地瀕安南人

庶遂改縣昇即知縣

己未復沈源廣東道監察御史建文中降福清知縣

庶吉士杜欽黃惟正即慶為戶科給事中周玉羅亨信張侗

監生胡昌為工科給事中

壬戌夜大星青白光燭地自危霜至雲中

丙寅庶吉士林正魏暹喻則成白瑜鄭蘭進士封攷祖趙登

監生陶瑋陳貞裴川為給事中

丁卯興安伯徐祥卒祥大治人燕山右護衛副千戶從靖難

視諸將年高能勤慎年七十三

戊辰築當塗縣慈湖決隄并視浙江江西湖廣安慶蘄松等
地脩築

己巳設八百者乃八百大甸二軍民宣慰司土酋刀招你為
八百者乃宣慰使弟刀招散為八百大甸宣慰使

遣視瀏陽益陽安鄉華容龍陽武陵石首監利江陵水災

六朝未楚世子孟焯來朝

勅招臨邊逃將復職逃卒復伍逃民復業

癸酉木邦孟養二府改軍民宣慰使司知府軍的法刀木旦

為宣慰使世襲

脩孟津河隄

甲戌復王敏北京道監察御史建文初降太平縣典史

夜大星青白光燭地白雲中流天缸

丙子桂東典史李輅唐縣典史劉冕為監察御史復易忠監

察御史建文中降內江知縣

戊寅夜大星青白光燭地自七公行至近濁

庚辰許警報給驛

乙酉夜月食

丁亥命吏科給事中曹崇詒吏部汰冗官

復陳珪監察御史建文中降相卿知縣

誅鴻臚寺右少卿汪泰泰使朝鮮受魏又通權貴

戊子公侯駙馬伯儀賓祿俱米鈔兼支自明年始惟二百石

以下全米

庶寅陝西按察副使宋性為布政司右叅政從戶部尚書夏

原吉蘓松治水

辛卯朝鮮國王李芳遠奉命進牛萬頭每牛酬絹一布四俱

給連東屯卒

蘓松嘉湖大水民饑遣監察御史高以正等賑之

夜大星青白光出壘壁障入羽林軍

甲午諭禮部曰天下之才不盡也下第貢士或宿學偶劣或

考官失之其再試既試得張鉉等六十人召見賜冠冕而勉

之俾隸國子監

封哈密安克帖木兒忠順王其兄忽紉失里威武也王改封

肅王卒安克帖木兒嗣至是入貢請賜爵給金印

乙未命太子少師姚廣孝賑蘓湖廣孝至吳侯故人王賓者

三不出乃屏騎從步叩其門賓不應遲語曰和尚錯耶慚退

歸謂其姊姊亦揮出之廣孝披袈裟往猶弗見家人強乃出捫其項曰幸此尚存耳遂不再見也

勅捕倭總兵官清遠伯王友副總兵都指揮僉事郭義以大謝柅渚赤坎寨胡家港之縱掠宜自贖務出萬全

是月封徐景昌定國公世祿二千五百石徐增壽子

七月子朔辛丑置四川建昌衛之普濟昌州威龍三長官司

州新添衛丹平丹行二長官司

夜大星青白光出十二諸國行至近濁

甲辰雲南寧晉進士張為禮乞就教特除雲南府教授以勸

丁未周王構進嘉禾

夜大星青白光自天淵行至游氣

己酉復康慶四川道監察御史建文中降吏

夜金星八角

庚戌都指揮呂毅為副總兵同王友巡海

壬子鑄平夷將軍印

慶成郡王薨蒙城王女適鎮國上將軍淮安衛指揮使黃琛

夜大星黃赤光出貫索行至游氣

癸丑沁源知縣甄孝思巴縣典史孟憲高安典史何晏黔陽

典史傅禮登州衛經歷洪象俱為監察御史

甲寅寧世子磐斌來朝

刑部尚書鄭賜等劾曹國公李景隆藏亡命將阿演等二十
一人有異謀 上勿問止徵匿奴

乙卯太子太師曹國公李景隆及弟都督增枝再被劾命鞠
將阿演等

丙辰

知縣李斌為禮科給事中

科臣劾李景隆不執勅景隆以曹國公歸第絕朝請
遣視三河順義東安香河水災

丁巳右軍都督僉事馬榮航海謁運北京

夜大星青白光自十二諸國行至游氣

庚申臨清進野蠶絲

辛酉勅甘肅總兵官左都督宋晟曰近聞 七孫台阿魯台
馬見哈咱各懷異見去年大敗瓦剌今春瓦剌亦敗鬼力赤
又鬼力赤部落北徙彼詐難信爾給諸屯米麩多釀酒如鬼
至毒酒及河井彼饑渴易斃也

勅宣府備禦武城侯王聰同安侯火真巡開平

禮部請賀山東野蠶絲 上曰使山東盡蠶亦僅被一方其

已之

壬戌鄱陽朱季友進書抵牾朱儒禮部尚書李至剛翰林學士解縉等請罪之命斥還里杖之百搜所著燔馬禁其教授生徒

談遷曰先朝守宋儒遺書如矩矱母敢逾寸尺故懲朱季友而經學至深邃也句沿字踵等於直蠟於是曲士鑿其隅見稍有所緣飾而矯異之鬻紛互四出如近日李贄獄死紙更為貴俗尚之觴久矣彼季友一斤不再振則當時功令可想見也

乙丑刑部右侍郎趙璘改工部右侍郎

丙寅遣監察御史郭林等賑湖廣江西水災

戊辰大理寺言有犯者法當黜上曰宥之人皆可自新墨其身則心不復

己巳夜大星赤光燭地出雲中

庚午朔占城入貢訴夏四月安南舟師見侵又掠朝賜給冠服偽印

壬申遣勅安南國王胡查曰占城奏爾掠地剽人畜蕩廬舍又邀奪貢道偪與冠服印章使臣屬甚非遵奉一統之義思

明府臣言爾奪其西平祿州永平寨此中國疆土也爾何得
擅取之不悛必討無赦

甲戌別失八里王沙迷查干入貢

乙亥安南故臣裴伯耆來告急曰臣事陳氏祖父皆執政大
夫女又親屬也臣故少得左右陳王既長為武節侯陳渴真
裨將統兵鎮東海洪武三十二年臣代渴真將而奸臣黎季
犛弑主篡位屠僇親賢滅族亡慮百數臣聞變勢不能抗棄
軍遁海島附番船得至此兄弟妻子肉季犛之几久矣季犛
乃故經略使國老子世任心膂叨竊榮寵子蒼亦貴仕也一

旦得志遂覆陳宗擅易姓名曰胡一元子蒼曰胡奎偽號改
元大逆亡道 陛下念陳氏忠順之跡憫此無告過施帛代
臣得負弩前驅膏血草野以報陳氏足矣 上憫之給居食
戊寅封濟煥寧化王

庚辰遣千戶高塔海帖木兒等勅諭澤州流民還三萬衛

辛巳免永平課鈔二年

壬午洛陽縣雨雹傷稼

癸未曹景隆又被劾 上曰朕自處之

甲申賑四川松潘衛饑

丙戌籍李景隆兄弟莊田佃僕入官

丁亥夜金星入房

戊子許民暫以鈔中鹽福建山東廣東時鹽溢

己丑命廣西總兵官都督韓觀招荔波縣洞獠編籍

庚寅武城侯王聰同安侯火真以二千五百騎巡迤北

許戶口食鹽各納鈔

免睢寧今年田租

夜大星光黃赤出卷舌入造父

壬辰夜月犯鬼宿

癸巳清遠伯王友恭獲海寇命盡以酋獲予鄉道嚴寶等

北京稔發鈔糶黍粟荳麥充餉

乙未駙馬都尉富陽侯李讓卒洪武中讓尚工次女永平

公主靖難初協守北平故封闔莖平直好文下士年追

封景國公謚恭敏

丙申勅寧夏總兵官左都督何福曰寧夏多屯，猝至恐先

受掠可於四五屯間探有水草者浚濠廣丈五尺深半之築

土城高二丈開八門使出入旁近屯輜重芻餉率此無警則

耕牧有警則固守待援朕遙計其攻守之策爾自深籌之

丁酉老嫗軍民宣慰使刀線反遣侯護前安南王孫陳天平
來朝言臣故王日烜裔孫也先王事朝廷甚謹傳至臣煒賊
臣黎季犛當國擅作威福臣煒稍裁之反刃相向而立其子
顯顯即日焜也無何更弑顯而立其子晏尚在襁褓更弑之
自立其子蒼為大虞皇帝臣先黜外僅得免他子孫近者誅
夷盡矣臣方欲集兵恢復而季犛碎來掩倉皇出鋒鏑間道
抵老嫗始得覩闕廷也夫興滅繼絕陛下之大恩也陳氏
之遺燼得少燼者臣之大幸也上引見賜居食
談遷曰海南諸夷莫勁於安南陳氏歷元明間一傳醞積

深厚非垂絲累卵之危盜相黎氏陰據其位此持之百餘
年一旦移而據之倒囊出物邊鄙不聳則陳氏之所培者
薄矣第陳天平裴伯春以覆亡之餘流離萬里效包胥秦
廷之哭俾狼毒狐魅幾掩天日忽馬聲罪執簡褫其面目
終不敢正視事雖無濟為人臣子義不當如是耶噫國家
初造車書混一僅隄三十年名為懷遠高皇帝示以不
臣毋勤遠略而通裔奔隸仰之如天就之如日企踵待命
所謂王者無外豈以久近計哉

夜大星赤光自天苑行至孫星旁一小星隨之

九月亥朔辛丑復大理寺左右評事

壬寅召海^巡總兵官清遠伯王友等回京

韃靼知院馬利沙率部落駐哈敦不利遣使納款許之命鎮守大同江陰侯吳高逆以兵

真臘國王參烈婆昆才入貢初中官使真臘有從卒三人遁至是以國人補伍上歸之

左僉都御史王平以訊御史鄭中鬻獄事徇私見劾下獄釋左都御史陳瑛等不問

福建布政司報暹羅通使疏陳風漂其舟籍舟中物請命上曰彼睦鄰也奈何因災而利之命治其舟給廩導之去

甲辰刑部郎中艾少岳禮科給事中何仕讓為晉府左右長史

乙巳遣國子監丞王俊用使朝鮮丙午周王構來朝獻騶虞群臣表賀

戊申大理寺左少卿吳中為都察院右都御史己酉瓜哇國西王都馬板入貢

脩武陟縣隄

庚戌晉王濟煒奏工護衛上不許曰皇祖賜也

辛亥印烈女傳萬本給賜諸番

暹羅國王昭祿群膺咳羅諦刺入貢謝勅賜

壬子女直野人頭目鹿壇等三百七十五人來朝

乙卯晚刻火星見角宿

丁巳脩開封壞城

己未姚克勤為刑科給事中

洪武中三事請役鹽場至是求

吏部尚書兼詹事憲義等劾曹國公李景隆招納亡命圖不

軌上以既宥之姑勿論

庚申錦衣衛指揮同知潘脣等劾李景隆私闖入潛金龍服

器上姑寘之

上御右順門召翰林學士解縉侍讀黃淮胡廣胡儼侍講楊

榮楊士奇金幼孜慰藉之賜五品公服令其婦入見皇后

於柔儀殿賜如之

夜大赤星出羽林軍西南行二小星隨之

丙寅刑部言千戶某製夾皮鞭注桐油以決罰上杖而免

之

丁卯左春坊左諭德兼翰林侍讀胡儼為國子祭酒

令御史按察司課吏賢否其實蹟以聞

徙太原平陽澤潞沁萬戶實北京

夜大星自軒轅東入平星二小星隨之

戊辰戶部尚書夏原吉浚蘓松下流訖工

十月己朔徙河南祥符遞運所避水患

庚午作信符金字紅牌給雲南諸夷其各土司量設經歷都

事吏目掌樂牘

辛未凡者頭目那海人不札尼等來朝設兀者右衛後衛

故元丞相苦木子塔力尼等率所部來歸設肅州赤斤蒙古

千戶所塔力尼為千戶

定江西官田租折布民田輸米

壬申日本國王源道義入貢

御史摘甘肅總兵官左都督宋晟之擅

上曰大將受邊寄

可盡拘文法如彼書生言為哉遂劾晟曰御史言卿專擅此

言官欲舉其職夫為將不專則功不立朕既付卿聞外事有

便宜即行而後聞自古明君任將率用此道

癸酉甘州中衛指揮僉事王良失機誅於軍中

夜大星自紫微西蕃行至近濁

乙亥夜月犯壘壁陣西第二星

丁丑河南水溢

巳卯齊王棣來朝

巳縣典史沈熊為廣西道監察御史

減崑山荒租三千四百四十石有奇

瓜哇國東王李令達哈入貢給瓜哇國東王銀印鍍金

庚辰鎮撫陸英以山後盜三十餘人乞徙民籍南五十里不

許命即捕之

刑部尚書鄭賜言軍犯概宥其初或容奸未便 上曰天不

於惡木廢發生君亦不於小人志矜恤

辛巳夜大星自井宿行至近濁

壬午夜月犯畢宿

癸未兀者托溫野人頭目喚弟等來朝設兀者托溫千戶所

甲申刑部尚書鄭賜都察院左都御史陳瑛等交劾長興侯

耿炳文衣服器皿僭飾龍鳳玉帶用丹鞋 上曰舊臣亦為

此乎其速改尋籍其家炳文自經源人從父君用事 高帝起兵時

朱國禎曰炳文事 太祖四十六年固守長興驅馳邊塞

有功無過保全終始任寄大約與郭武定英等此亦開創

君臣所絕少者留事建文北兵既起拜大將率三十萬衆

一戰盡覆黃金關國功臣錄黃佐革除遺事皆言炳文死於陣忠節錄二書收入祠中果爾其得死所成就一生名節吾亦快之而國史則云永樂二年被劾縊死脩國史者親與炳文相值目擊其事當必不悞一生功業在武定之上武定以椒房至親且非特將得免并獲贈謚取獨鬱至父子並死恐太祖在天之靈亦有所不安也

鬼撲之見也

夜大星出北斗魁行至近濁

乙酉蒲城河津黃河清

丁亥戶部言御馬監索白象穀不許責御馬監官奪民食欲

朕失天下心耶

己丑夜水星犯南斗杓

壬辰夜大星自天廩行入天苑

癸巳駙馬都尉謝達卒

乙未琉球國中山王山南王入貢

夜大星光燭地自畢宿行八五車

丙申勅勞寧夏甘肅總兵官左都督何福宋晟各鈔萬錠

丁酉錄囚

戊戌刑部劾儋州知州陳敏同海南衛千戶陳善等餉舟風壞遠散之官軍當罪 上曰事有權宜亟不及奏汲黯所以

達大體也置勿問

夜大赤星出北斗魁行至近濁

十一月己亥朔哈密忠順王安克帖木兒貢馬

都察院左都御史陳瑛等劾駙馬都尉梅殷蓄養亡命私匿

胡奴通女巫劉氏等罪命送胡奴於遼東

辛丑撫安湖廣給事中何海上三事曰理焚失舊冊曰軍

衛幕官選通文練事之人曰軍官年少選老成兼理佐 上

從之

廣東右布政使徐奇言本司委官遠役皆自贖贖今後乞通運所應付又故官道遠多不能還鄉今後故官乞助歸其喪從之

濬江東門北河泊運舟

壬寅屯田額外餘糧悉與本軍自用仍給賞

癸卯中書舍人唐恕工科辦事官甘鏞賓州訓導歐陽謙虛
氏知縣賀潤高要知縣黃禎淄川知縣石魯並為監察御史
行人劉克為工科給事中邊信為湖廣道御史皆使外國

開淮安清江閘

築泰興縣圩岸

甲辰 上御奉天門錄囚釋放有差仍諭卹免者即以聞

周府汝南王有勳來朝

江浦知縣周益坐罪行論婦梅氏言益母死請身代釋之

丙午夜大星流井宿

庚戌夜月犯天高西星

壬子富平縣丞陸其瞻為翰林編修嘗事燕邸

夜火星犯鈎鈴上星

癸丑夜京師濟南地震

甲寅周世子有燉來朝

夜開封地震

乙卯介休縣民請採五色石製器黜之

丙辰工部侍郎趙毅謂鑿鎮江運河須九十萬人上曰

年來民困輕其力植禍豈不殆哉寢之

丁巳翰林學士兼右春坊大學士解縉等進所纂韻錄賜名
文獻大成已謂其未備勅太子少師姚廣孝刑部侍郎劉季
麓及繕總之翰林學士王景侍讀學士王達國子祭酒胡儼
司經局洗馬楊溥儒士陳濟總裁侍講鄒緝脩撰王褒梁潛
吳溥李貫楊觀曾祭編脩朱紘王洪蔣驥潘畿王侑蘓伯厚
張伯穎典籍梁用行庶吉士楊相左中允尹昌隆宗人府經
歷高得賜吏部郎中葉砥山東按察僉事晏璧副總裁餘簡
夙學之士纂脩焉
夜金星犯東咸

戊午蘓松杭嘉湖水災免今年租六十萬五千九百餘石
己未設天津衛屯守直沽海運高船建百萬倉

庚申進士張英為吏科給事中陳湯劉瑩為監察御史

丙寅廣西忻城訓導某以邑皆蠻獠子弟不就學詣闕自白

禮部欲罪之 工謂其非苟祿下吏部調用

十 二月 宣府諸屯堡成

辛未河南都指揮僉事劉瑾過周邸門不下戍向武

癸酉進士吳廷用江貞虞貞王彥脩曹潤並為給事中

甲戌黃巖盜童養民等伏誅

丙子設天津左衛

戊寅上聞中官私役工匠戒應天府尹向寶等裁之下中官錦衣衛

己卯遣知縣潘隆勅諭瓊府黎峒生黎

夜月犯井宿

壬午許朝鮮國王李芳遠子禔為世子

乙酉徙南丹衛於工林縣

丙戌安南國王胡查表賀正旦

庚寅禮部左侍郎宋禮為工部尚書右侍郎楊祗為左侍郎

十九

工部右侍郎趙珣改禮部

壬辰韓城縣黃河清

安南使至令禮部出陳天平示之使者錯愕下拜至流涕裴伯耆以大義責之皆不能對命議其罪

甲午賜尚書侍郎金織文綺衣各一襲翰林學士解縉侍讀黃淮胡廣侍講楊榮楊士奇金幼孜賜如之

丙申御史顧謙等撫綏木邦等夷民

復郡縣歲貢生八監

丁酉夜大星自天市東垣北入天津

乙酉永樂三年

正廟子諭天下文臣

楚王楨來朝丙午辭歸

辛丑夜大星自文昌流紫微東南藩外

甲辰夜月犯畢宿

丁巳寧夏也田積穀獨溢勅勞總兵官何福

夜大赤星自參宿流雲中

丁未皇孫瞻墉生

前軍都督僉事華聚卒

壬子諭天下武臣

選庶吉士楊相劉子欽彭汝器王英王直余鼎章故王訓紫

廣敬王道熊直陳敬宗沈升洪順章朴余學夔羅汝敬盧翰

湯沅李時勉段民侃維哲袁天祿吾紳楊勉及脩撰曾棨編

脩周述周孟簡隸學文淵閣庶吉士周忱自請願從英諸敏

後上壯其志許之車駕時過臨揚權藝文五日一休沐使
官校隨之最為華貴

諭明年外夷來覲以雲南遠免之

甲寅遣監察御史李琦行人王樞賚勅詰安南胡查篡奪之
故

丙辰國子祭酒胡儼請申明洪武學規從之

丁巳夜大星自太微西垣行入軒轅

戊午右軍都督僉事馬際轉漕北京

嘉興知縣蔡楫樂安典史蕭福並為監察御史吏科都給事

中季亨降禮科給事中

行人南海譚勝受千戶楊信使瓜哇國招舊港流民梁道明

等初南海梁道明販瓜哇家馬合象^數千人指揮使海南諸夷

遇道明子携歸故遣勝受等勅諭之

庚申免順天永平保定田租二年

壬戌擢張輓金吾前衛指揮使

火州回回滿刺木牙木丁等來朝

後軍都督僉事陳用卒霍丘人

乙丑胡廣答意等五寨生苗納款刻箭為誓命善撫之

二月卯朔召宣府總兵官武安侯鄭亨回京
河決河南馬村隄命塞治之

己巳北京刑部尚書維金有罪誅初金言朝廷近用率藩邸
舊臣非至公又侍衛將軍獨光祿給饌語涉怨謗上未之
罪至是左都御史陳瑛等劾其婪虐專威福其妻行部筮守
令脅貸強市按得之並論死

夜大星自太微西垣行入張宿二小星隨之

庚午改大寧前衛濟川衛天策衛為漢府三護衛改彭城衛
永清左右衛曰常山中左右護衛為漢府

辛未蜀王椿來朝戊寅辭歸

壬申寬和州民貸官稻三千四百七十餘石俟明年償之

雲南寧遠州土同知刀吉罕奏安南侵猛慢等七寨擄臣壻
及女掠人畜徵納差發求憫救命禮部馳勅具實以對

刑科都給事中馬楨欺罔誅

癸酉廣東按察副使耿賢有罪戍邊

甲戌永平衛指揮使李宏縱人掠伏誅

丁丑左通政朱濬為北京行部尚書

巡按福建監察御史洪堪言十事曰設義塚曰祀唐觀察侯

常袞曰存卹孤獨曰按察司錄囚過番吳必親鞫曰防倭軍
戶不得再充塚集曰驛夫預支廩費免困迫曰小訟付里老
曰申明鄉飲酒禮曰各鄉申明亭集諭國法曰脩築塘堰圩
岍備旱澇工皆納之
辛巳遣兵部郎中徐子良等勅諭武宣洛容降民黃田等勅
浦降民廖均用等有逆跡如若宥其遣一二人隨勅使
入訴
廣西總兵官右軍都督同知韓觀請討桂平等蠻上命撫
輯之毋遽兵

壬午翰林編脩陸具瞻為趙府左長史

命趙王高燧立國社稷山川等壇於北京時方留守

金吾左衛指揮周廷貴有罪伏誅

癸未都指揮同知史勇為前軍都督僉事

甲申武城侯王聰同安侯火真率三千騎巡迤北

平江伯陳瑄充總兵官前軍都督僉事宣信充副總兵航海

轉運北京

丁亥命寧夏屯田專旱稻

癸巳懷慶蝗災許鈔代租

甲午把蘭等處女直野人郊文等來朝設撒力衛郊文為指揮僉事

三朔申朔浚溧陽騰脂河

夜金星犯壘陣壁東第五星

丁酉女直野人頭目温勉赤等來朝設兀者穩勉赤千戶所

戊戌夜金星犯木

己亥都指揮同知蔡彬姜清馮斌率舟師巡海備倭

蒲城郡王卒秦愍王長女嫁儀賓吳倫

哈密頭目言忠順王安克帖木兒卒命馳祭兄子脫、襲封

十の

忠順王脫、幼俘入中國至是祖母速哥失里求還

壬寅夜月犯天鐳中星

甲辰併威、衛吏卒於肅州衛增設中右中中二千戶所

琉球國中山王武寧入貢表謝襲封

丙午勅鎮守大同江陰侯吳高以、將寇西涼可飭士馬嚴

備

賑邳州饑民粟九千石 上倍給之

誅浙江寧波衛指揮龐義喬英備倭失機也

戊申山東道監察御史文郁不諳刑名改工科給事中

水

壬子行人王麟為廣西布政司右叅政
癸丑夜火星犯壘壁陣西第五星
甲寅定屯田賞罰條例

免常德長沙黃岳水災田租一年

定遼東互市馬價上上馬絹八匹布十二匹上馬絹布半之
中馬絹三布五下馬絹二布四駒絹一布三

戊午河決温縣滄田四十餘里

己未夜大星自角有聲入於井而散

辛酉福州教授王鐸為刑科給事中

廿五

癸亥夜大星光燭地自張宿行至雲中

四 朔寅朔琉球國山北王攀母入貢

己巳給寧夏甘肅火藥兵器

壬申除絕戶田租

癸酉夜大星自天市西垣行至亢宿

丙子周世子有燉來朝

丙子周世子有燉來朝
內鄉知縣胡恪為山西道監察御史

丁丑琉球國中山王我寧入貢賀萬壽

己卯寧化王濟煥長山王賢竣來朝

庚辰賜別失八里王沙迷查干初哈密阿克帖木兒為鬼力
赤毒死沙迷查干問其罪上義之

壬午萬壽節定命婦朝賀止三品以上

癸未工部尚書黃福改北京行部尚書左都御史陳瑛劾福
不卹工匠也

琉球國山南王汪應祖入貢表謝

甲申灣甸長官司改灣甸州設流官吏目

丙戌儒士西晏馬巨江為翰林院五經博士上聞巨江學
行微至辭老勅諭致仕

廿六

夜月犯壘壁陣第三星

戊子副總兵都指揮同知呂毅捕倭八十七人械至京

己丑廣西遷江縣蠻亂命韓觀先撫如不悛兵之

辛卯命瓊州通判劉銘撫羅活諸洞生黎

壬辰武鄉縣丞史克新為山東道監察御史

五月初寅武安侯鄭亨領騎兵千步兵三千巡宣府興和諸邊

癸卯駙馬都尉胡觀罷朝請左都御史陳瑛等劾觀矯稱內
使脅取上元女子數十人娶妓預李景隆逆謀宜罪故有是

命

丙午尤溪知縣黃采為陝西道監察御史

丁未肅王棖來朝已卯辭歸

庚戌鑄北京內府各門印記

勅武城侯王聰同安侯火真曰聞鬼力亦在下魯屯之地可遣探若魁開平即設伏擊之

辛亥夜大星有光自箕宿行至近濁

丙辰代寧秦晉永興高平平陽諸王多失

工賜周齊楚蜀

等王曰朝廷不能篤親吾恒戒此居嘗教子孫惟在重骨肉蓋吾初奉藩豈不能身體其事哉第藩國亦當體朝廷之心

而亮其誠比代寧秦晉永興高平平陽諸王稍不順理聽細人形諸怨謗屢鎮皆容忍不問此特小恩耳皇考之法度吾嗣位而不能守之又何以服天下之心亦惟常念皇考各盡厥道共享富貴豈有涯哉

壬戌健為典史宋亨為戶科給事中靈臺縣丞姜迪為廣西道監察御史

癸亥順陽王有烜來朝

六月丑朔右軍都督僉事王英卒合肥人

江南大雨水

戊辰授察罕達魯花都督弟哈塔千戶以入貢言鬼力赤留
湖廣都司言楚王付鉄牌驗門夜出 上賜王書曰門鑰屬
都司軍衛王牌非制其即革

庚午朝鮮國王李芳遠入貢請頒樂器從之

壬申簡縣知縣劉子春復山東道監察御史

癸酉慶成王濟炫多失前從潞州至是還太原諭晉王濟熿
訓戒之

己卯命太監鄭和等賜勞古里滿刺加諸國役卒共二萬七千

八百七十餘人寶瓶六十三艘其大者四十四大博十八大

次脩三十七大博十五大所經國占城瓜哇舊港暹羅羅滿刺

加柯枝古里黎代南渤里錫蘭裸形溜山忽魯謨斯啞魯蘇

門荖刺那孤兒小葛蘭祖法兒吸葛刺天方那丹

顧起元曰按此一役視漢之張騫當惠等鑿空西域尤為

險遠後此員外陳誠出使西域亦足以方駕博望然未有

如和等之泛滄溟數萬里而徧歷二十餘國者也當時不

知所至夷俗與土產諸物何似舊傳冊在兵部職方成化

中中旨訪下西洋諸事即中劉大夏取而焚之意所在必

多恢詭譎請怪連絕耳目之表者所徵方物亦必不止於

醬切杖蒲柀塗林大鳥邛之奇而星槎勝覽紀纂寂寥莫
可考驗使後世有愛奇如司馬子長者無復可紀惜哉其
以取寶為名而不留於周官王會之義哉或曰賢舡之役
時有謂建文帝入海上諸國者假此踪跡之若然則
聖意愈淵遠矣
安塞等縣蝗命捕之

夜水星犯軒轅大星

庚辰遣中官山壽等領騎出雲州會武城侯王聰等覘
每三十里置五馬俟馳報

甲申戶部尚書夏原吉右僉都御史俞吉士通政司左通政
趙居任大理寺少卿袁復賑蘓松嘉湖饑民
免農民戶口食鹽鈔

乙酉大興教諭趙緯為禮科給事中

周王橚言河水退惟脩舊邸於是罷洛陽之役

丁亥拓西安門外周垣

大理寺卿呂震言文官初犯杖記罪還秩停俸三月今多恃

恩養法乞再犯論如律上命再犯仍宥之三犯如律

戊子夜大赤星有光自天津入織女

庚寅安南胡奎遣使阮景直等同御史李琦等入朝奏曰臣
父子實陳氏甥陳氏喪亡無可繼故國人舉而屬臣耳臣飭
賦率妻子弱力作奉王國之不暇疇敢抗天年其裔孫臣請
歸而事之臣得完首領足矣祿州諸寨地已還臣俛伏俟命
誅之宥之惟陛下下大度上悅

湖廣都指揮僉事謝鳳招降治古等十八寨

七甲午朔夜大星光燭地自句陳旁流紫微西藩外

丙申諭趙王高燧選漢胡六十八人領以二指揮往北覘
丁酉設算子坪長官司隸湖廣答意治古寨二長官司隸貴

州

戊戌興平鳳翔進瑞麥祥臣表賀上薄其諛佞

己亥浚山陽縣運鹽河十有八里

辛丑夜月入氏宿

壬寅漢北平章把都帖木兒倫都兒灰自塔難以部屬五千
餘人款甘肅把都帖木兒入京

癸卯授把都帖木兒右軍都督僉事賜名氏吳允誠倫都兒
灰後軍都督僉事賜名氏柴秉敬保住陝西行都指揮僉事
賜名氏楊效誠餘指揮千百戶鎮撫有差

周府長史移檄郡縣上諭周王戒之

甲辰遣行人聶聰等同安南使臣往約胡奎迎陳天平

夜大星光燭天自扶筐流天梧

丙午暹羅入貢

丁未夜大星自北斗魁外行至玄戈旁

戊申定中山武寧王歲祭正旦清明七月望十月朔冬至

己酉命吳允誠柴秉欽并部屬散居涼州給牛畜嘉禾晟招

捺之功勅賜鈔幣

占城國王占巴的賴入貢真臘告國王茶烈婆毘牙之夜

作

巡按廣東御史汪俊民言環瓊州皆海中有大小五指黎母

等山為生熟黎人藪比歲軍民逃入導惡俗性頑獷山水峻

惡有宜倫縣熟黎峒首王賢祐奉命招黎人甚衆可量授官

俾招諸峒約束之毋納叛其熟黎賦而不徭生黎向化許賦

三年峒首差其功賞庶黎可馴也從之

庚戌命平江伯陳瑄於天津城北造露園貯海運

辛亥遣序班王孜祭故真臘國王茶烈婆毘牙科給事中

畢進內使王琛封茶烈昭平牙真臘國王

元江府改元江軍民府

壬子車里宣慰使刀進答請攻八百大甸宣慰使刀招散
上遣司賓田茂推官林楨勸諭刀招散等又勅西平
侯沐晟嚴兵以待慮老撾乘車里之虛選萬五千人往備
癸丑設孟良府隸雲南都司土官刀哀為知府
除崑山荒田租二萬七千七百石有奇
甲寅福建都指揮使張鑑捕倭通賄掠民戍大寧
元江軍民府知府那榮請率兵攻刀招散上嘉勞之
夜大星自土司空東南行後一小星隨之
丙辰太原左護衛總旗孟全等謀叛伏誅

作

戊午宛平知縣賀銀為通政司右叅議城守功
江西道御史江俊民改刑科給事中
夜大星自羽林軍南行有光
庚申工部左侍郎張思恭改北京刑部左侍郎
壬戌西羌酋長鎬南等率眾來歸
朔辰禮部尚書兼左春坊大學士李至剛有罪下獄
戶部尚書郁新卒新臨淮人仇燕負奇氣洪武間徵授戶部
度支主事賜令名進郎中左侍郎數對稱旨問天下戶口錢
穀轉輸占對無遺大被眷拜尚書至是賜祭葬

劉鳳曰郁新方締造時主大計非其才長於應變善心計
無所漏失烏能免哉及壬午之際委任無改信乎其工為
自謀也

潮溢仁和海寧等縣淪田七十四頃有奇溺四百四十一人

己巳申明學校舊規

漠北濶一見不花等二十五人來朝

壬申翰林學士王景侍讀學士王達主試應天

丙子設兀者撥野木千戶所

丁丑旦老人星見南極

辛巳連王植來朝丁亥辭歸

夜月犯天園

壬午永興王尚烈來朝

淄川等縣蚱蜢生命捕瘞之

丙戌雲南鎮守順昌伯王佐貪贖被劾逮下獄

戊子兵部左侍郎詹德改北京行部左侍郎

故河南左叅政張定謫驛山東至是除河南道御史

己丑設赤不罕衛失兒哈達兒等為指揮千百戶

庚寅夜大星出天倉流東南二小星隨之

壬辰設屯河晏河二衛女直野人頭目來朝

九癸巳朔蜀世子悅燿來朝

甲午設福建來遠驛浙江晏遠驛廣東懷遠驛各於市舶提舉司候項蕃使

乙未夜大星光燭地自北斗魁北行二小星隨之

丙申御史周新為雲南按察使

丁酉河南山西都指揮使金玉歐陽青為中軍都督僉事大寧都指揮同知柳升為左軍都督僉事遼東都指揮同知呂教為前軍都督僉事陝西都指揮同知趙忠脫列于為後軍

都督僉事脫列于貪祿不視事

免蘓常松江杭州嘉興水災今年田租三百三十七萬九千七百石有奇

夜大星有光自即位行至近濁

己亥刑部尚書鄭賜改禮部尚書吏部左侍郎陳洽為大理寺卿大理寺卿呂震為刑部尚書

辛丑戒諭周王權檀調湖州官軍虐繫平人

右軍都督僉事馬溥降陝西行都指揮同知

癸卯蘓門答剌國酋長罕奴里阿必丁滿刺加國酋長拜里

迷蘓利古里國酋長沙米納俱入貢詔封國王賜印誥
四川亞堅等十一寨生苗俱輯酋賜宣撫司免其徭賦

夜大星光燭地自天府入天棓星一隨之

乙巳時屢告齊王樽不法上書戒之

戊申谷王穗來朝辛亥辭歸

唐戎免聞喜縣荒租四千六百七十三石

夜月犯昴宿

辛亥夜月犯天關星

癸丑夜月犯天鐔西星

乙卯瓜哇國西王都馬板入貢其隣碟里日羅夏治金猫里

三國各同入俱賜錦綺襲衣

丁巳楚世子孟旣來朝

從太原平陽澤潞遼沁汾民萬戶實北京

南昌前衛大雨水壞城

夜大赤星光燭地自天園行至近濁

戊午賜齊王樽書曰輒用護衛兵守青州城北門自廣智門

外接園苑築墻截往來守吏不得登城夜巡此何為者其他

尚多不法兄雖愛弟能不為之投杼乎

行人聞良輔還自蕃國擢廣東按察使

庚申慶王梅來朝卒未辭歸

夜大星光燭地自紫微垣內尚書旁北行

十月丑盜殺駙馬都尉梅殷殷夏邑人汝南人思祖從子尚寧

國公主負才氣太祖最眷注受遺詔顧太孫善視之及

升上即位心忌殷不置前軍都督金事譚深錦衣衛指揮使

趙曦偵早朝舟經竺橋橋溺死長公主泣訴上俄都督許

成發其事上詰深曦曰陛下命也上怒落其齒斬之

葬祭殷謚榮定子順昌中軍都督同知景福旗手衛指揮使

俱食祿不視事後改孝陵衛指揮使世襲舍人瓦剌輝探深

曦賜祭歟畢自經

談遷曰梅駙馬受遺輔政有蹇之節地系懿密義不得

辭一天聖而騎西山履虎自危賦祖未狎嗟予駙馬安所

死哉然堂一聖明出鉏魔之下智非所以樹威於天下

也史雖諱之其誰信焉

丁卯詔諭蕃速兒米囊葛卜呂宋麻葉甕南巫里婆羅六國

上偵齊王樽不執事俱實封劾章又書戒之曰非分之恩不

可數得王其省之母後悔

戊辰周王楠上章深陳罪悔 上善之令絨示齊王

庚午故兵部郎中徐銘起山東道監察御史前謫戍安東

癸酉設沙州衛赤斤接界困即來買住為指揮使

乙亥趙王高燧來朝癸未還北京

懷遠等縣金州俱旱許益麥代租

丙子左軍都督同知許成封永新伯祿千石

戊寅尚賢司丞朱瑒為少卿鴻臚寺序班袁忠徹為尚賢司

丞皆籓邸舊侍

己卯通州衛指揮滑縣王立嘗刲股療父疾

上聞之特命

歸養賜鈔

庚辰前燕府紀善胡安為戶科給事中

壬午賜滿剌加國鎮國山碑銘 上自撰

夜大星自紫微垣行至游氣

丙戌設雲南洱海千戶所

夜月犯謁者星

戊子賜周王等祖訓

庚寅設海刺兒千戶所

夜大星有光自內階北行入北斗

辛卯行人時中還自琉球復四川布政司右參議

前福建按察僉事陳灝江西按察僉事裴璉雲南按察使姜

滌陝西左叅政李賢禮部主事范敬先北流知縣李祥御史

徐敬縣丞曹貴並為監察御史

壬辰夜大星有光自一穀行入天鈞

十一月癸巳朔暹羅入貢

夜金星犯於箕宿

甲午信安伯張輔進封新城侯世祿千五百石 上嘗語

福朱能曰吾功臣次第封矣亦復有所恨乎對曰張玉在臣

等且讓之其子輔累功似少抑 上然之

甘肅總兵官平羌將軍後軍左都督宋晟封西寧侯世祿千

一百石

乙未齊王禔上表謝罪

丙申 上聞雲南總兵官西平侯沐晟自調兵駐近老撾勅

即還且戡晏南之兵

丁酉夜大赤星自中天雲中北行

戊戌萊城伯李濬卒濬和州人襲燕山左護衛副千戶從靖

難積功封

夜天赤星光燭地自句陳西北星一隨之

庚子施禮為山東道御史前河南布政左叅議落職起淮安

知府成邊

勅趙王高燧曰朕居燕二十餘年每邊警第謹守未嘗輕出

兵昔中山武寧王開國元勳亦惟嚴守故無敗凡遇警其治

備勿輕出兵

辛丑日本國王源道義入貢并獻前倭寇邊者 上嘉之遣

鴻臚寺少卿滿賜內官王進賜王九章冕服錢鈔織金文綺

紗羅絹三百七十匹

廿九

乙巳撫安江西

科給事中朱聲言南昌等民三千七百八

十七戶墾九江而康開田千二百九十七頃有奇 上未信

曰或聲偽增希進用耳蓋聲輕刻有司給民從之實不過

二千入歲餘半窳果如 上料

丙午溇泥國麻那惹加那入貢

丁未夜月犯井宿

甲寅行人譚勝受等還自舊港梁道明鄭伯可等委施進卿

代領其衆自入朝賜文綺絹鈔

嚴從簡曰梁道明王直並入海為商者道明其終歸於首

丘王直其終殉於藁街直其通不知順逆以擇禍福也哉

丙辰開雲南大理銀冶

戊午月祀西成

十癸亥朔遣封淳泥國王麻那惹加那乃賜印誥

甲子前浙江按察使辛彥博為山東道監察御史

乙丑浚淮安支河

戊辰鎮守雲南西平侯沐晟奏官軍及車里宣慰等兵破

百諸寨降之命班師

己巳夜金星犯壘壁陣

癸酉瓜哇國西王都馬板入貢

乙亥都督僉事黃中呂毅為左右副將軍佐廣西總兵官征

南將軍都督同知韓觀

丁丑行人聶聰還安南胡查仍遣阮景真等請迎陳天平臣

率國入逆於境上許之

庚辰勅安南王孫陳天平歸國廣西副總兵都督僉事黃中

呂毅率兵五千護行

壬午瓜哇國東王李合達哈貢神鹿

西僧進佛像舍利金塔至京百官迎於龍江關封怕木竹巴

灌頂國師闡化王
乙酉諭兵部曰西番馬至予真茶毋偽惡令巡按御史採察
以聞

丙戌夜月犯罰星中星
戊子琉球中山王山南王山北王各賀明年正旦

庚寅夜大星光燭地自天廡行至游氣

丙戌永樂四年

正月初辰朔天下官來朝

甲午勅諭文武述職諸臣

夜火星犯天陰下星

乙未設鎮道楊塘二安撫司隸雲南

丙申豐城侯李彬新城侯張輔討南陽阜君山盜

戊戌宴群臣奉天門蠻夷酋長皆起舞工壽呼萬歲

安南陳天平降辭賜綺羅紗衣各二襲鈔萬貫命廣西

叅

政王麟送之別封胡奎順化郡公盡食所屬郡縣
已亥大星有光自五車北流紫微西蕃外
壬寅琉球國進關入闕入郊良時四山
夜月犯井宿
癸卯瓜哇國西王都馬板入貢
夜金星犯木

丁未上南郊

己酉知縣党理為太僕寺少卿

先是日本國王源道義盡殲對馬臺岐等島海寇 上嘉之

遣使褒諭封壽安鎮國之山自作碑銘令勒石

韓鞞滿朶兒灰等率衆來降授官分居涼州莊浪寧夏三衛
各賜姓名都指揮同知滿朶兒灰曰柴志誠都指揮僉事阿
兒剌台曰楊汝誠涼州衛指揮同知猛哥曰安汝敬指揮僉
事脫曰楊必敬只蘭曰吳克誠朶列子曰吳存敬莊浪衛
指揮僉事火失谷曰韓以謙祖住不花曰柴永謙寧夏衛指
揮使伯帖木兒曰柴志敬餘千戶衛鎮撫百戶等十一人皆
賜之
淳沉國使臣求中國冠帶賜之

庚戌刑科給事劉端為右春坊右司直郎
壬子設白納長官司隸貴州宣慰司

癸丑南陽阜君山盜平

丙辰始御右順門晚朝諭六部及侍臣曰早朝事促午後稍

簡卿等可從容商權毋以將夕倦朕也

庚辰濬曰我祖宗以勤為治無日不朝每日有早午晚之

朝或再朝焉誠以自古禍亂之端皆起自蒙蔽蒙蔽之繇

起自上下之情不通上下之情不通起自君臣不相接見

然徒接見而不相親問答猶不見也故聖祖御製大誥

首篇以君臣同游為開卷第一義所以示萬世聖子神孫

者至矣

丁巳逮工部右左侍郎趙教劉仲廉以隱黃藤不報仍賦於

民被劾詞連尚書宋禮謂新除置之

戊午夜火星犯月

己未瓜哇國東王李令達哈入貢

置石城衛及可里賜千戶所

辛酉右軍都督俞事馬榮轉漕北京

沙縣知縣倪峻嘉魚冉通為兵科左右給事中大同後衛經

歷常忠為給事中
西域貢佛舍利禮部尚書鄭賜因請釋囚
工曰治先刑賞
梁武帝溺佛廢法此豈可效也
上聞哈密忠順王脫一為祖母速哥失里所逐勅諭其大小
頭目

二月戊朔國子生彭進徐鑑方霖林道顧斌甯承芳朱福王輔
彭鑑劉煥黃員相都察院令史殷景方吳並為監察御史
丁卯寧世子磐斌來朝
夜月犯畢宿

己巳侍讀學士王連司經局洗馬兼翰林編脩楊濟主禮闈
得貢士朱縉等二百二十八人

置塔山衛女直野人

庚午復建承天門建文時災

辛未荔波縣民單敬信先招梅村等七十三洞徭即授荔波

知縣撫之

勒太祖嘉禾詩於石裝賜群臣

復設開年衛謫成克之

署四川行都司事前軍都督僉事程達擅調軍職下獄

癸酉置兀也吾衛女直野人

除四川荒田租

乙亥胙城典史郭純平陸典史傅衡永和典史汪瑜通道典

史王纘繁興典史車舒鳳林驛丞閻慶將軍驛丞覃珩並為

監察御史

翰林修撰徐旭萃旭樂平人洪武乙丑進士授御史歷國子

祭酒坐事改雲南布政司參議未行以文學改脩撰沒於禮

闈賜祭其人寡諧而簡默方正終始不渝也

丙子勅武城侯王聰同安侯火真往興和同武安侯鄭亨備

丙子

水

丁丑置哈三哈刺哈古責河三千戶所木倫河野人

戊寅改燕山左右前衛濟陽衛濟州衛大興左衛通州衛俱

親軍指揮使司

己卯軍官有罪謫戍立功者悉復職

夜大星有光自雲中行至近濁

庚辰旦老人星見丁位

辛巳唐府長史程濟韓府長史司典簿魏居敬犯夜禁宥之

於是韓潘安伊魯唐岷府僚如甯理奉祠工正等官百三十

四人俱暫還里俟就國召之此當與及臨上立誓曾百三十
癸未勅諭六百天向軍民宣慰使司勅招散
夜金星犯天陰十星

甲申置嘉河哈密幹灘河三衛兀的罕千戶所女直野人

己丑右僉都御史俞士吉大理寺少卿袁復蘓州治水還京

先至私邸且受賂為左都御史陳瑛劾之下獄

庚寅置塔魯木蘓温河阿連江連平江四衛女直野人

夜大星有光自井宿行至游氣

三辛卯朔上幸太學釋奠先師改服皮弁四拜禮訖御彝倫

堂祭酒胡儼講堯典司業張智講泰卦遍齎諸生三千餘人

親撰視學之碑

壬辰暹羅琉球入貢

癸巳夜大星光燭地自亢宿行至近濁

甲午設開原廣寧馬市

乙未嘉興知縣李鑑逮至以籍沒逆黨姚瑄遺其弟亨左都

御史陳瑛劾之鑑曰亨本無名上釋之

瓊州通判劉銘為知府銘招生黎萬餘戶

戊戌夜大星有光自紫微東蕃行至雲中

辛丑勅諭韃靼可汗鬼力赤
除河地縣荒田租二千一百九十石有奇

壬寅策貢士於奉天殿賜林環陳全劉素等進士及第出身
有差

永和王濟煥來朝

癸卯置吉河衛 女直野人

丙午皇孫瞻墻生

工親試下第貢士得周翰等二十一入賜冠帶周翰藍島隸
翰林院李弼漢府伴讀餘隸國子監

四七

安南胡查伏兵劫殺陳天平時鎮守廣西都督僉事黃中呂

毅率五千入送天平及於丘温交人黃悔卿候供帳及牛酒

勞師交人見天平皆拜舞欣躍中問胡查何不至悔卿曰查

踴躍候命而天使儼然辱臨之敢不至偶霜露之疾俟於前

道我偵騎亡它迎勞績於路遂前度隘留雞陵折芹站危徑

林箬軍行不成列忽伏發劫天平鼓噪振山谷且十餘萬人

官軍方整擊橋已斷賊遙拜賜曰遠夷何敢勞王師天平實

踈遠小人眩聖聽欲滅我胡氏幸得殺之以謝天子大理寺

卿闕卿薛嵩請廣西從行自經中等引還

七

談遷曰文皇帝久歷兵間洞曉敵勢而為胡套所詭抑
何踈之甚也彼既整陳氏而據其國奄有南土帶甲數十
萬即堂天斧藐不足畏今發尺一之詔虛辭示義遠垂
首交臂舉全國以奉奔播之王孫其事在桓文工而謂荒
裔悍徼所有乎則祖我也必笑為當日計宜置天平於欽
州如漢之屬國凡銅柱以北蠻落峒酋俾聯羽接翼馳檄
關外列黎季犛篡奪之罪感動遺民如又不然合韓觀也
十萬衆於境工西平侯沐晟以五萬衆問道於滇東西聲
令待胡套質子至闕下天平始戒塗焉否則天平必不南

王命必不辱而一時無慮及者席累勝之威忽垂堂之戒
也嗟乎假使高皇帝值此諒不為遠人所嗤矣
丁未復置曲先衛初洪武中置安定曲先後朶兒只巴攻之
併曲先入安定至是安定衛指揮哈三散即思三即等奏復
之
築石首縣江隄置其國自為衛
戊申夜大星自南游氣中至游氣
庚戌加賜邊軍布鈔
辛亥進施南散毛長官司為宣撫司復設龍潭安撫司

癸丑選庶吉士江殷胡啟先孫迪張叔豫李岳潤陳孟潔張
文選鄭復言曾春齡蕭福曹閻盧永黃獻俱翰林院脩書餘
賜勅還鄉讀書
丁巳設哈密衛置印其頭目為指揮千百戶鎮撫有差周安
為忠順王長史劉行為紀善共佐脫
勅招海島流入
戊午設湖廣高羅安撫司木柵唐崖二長官司
四亥進士江淵李綱為兵科給事中賈真汪彥純鄭景曜潘
博羅弘為監察御史

の九

甲子禮部試歲貢生廣西斤落二人宜奪學官歲俸杖調提
官之上宥之

辛未保安王尚煜順陽王有烜來朝
上聞安南事怒甚諭成國公朱能等致討

壬申朝鮮入貢
甲戌設刺坎和瓦魯之章甸香羅四長官司隸雲南永寧衛
乙亥齊王禱乞詣京謝罪許之

戊寅設孟連長官司隸雲南都司
車里宣慰使刀邏峇貢馬遣子刀興入國子監初官軍征

百元江饋餉車里人邀之乃遲答時從軍不預也懼播怨質
其子人上知之謂親隔萬里外非孝且朕非浮說所能聞也
厚賜而遣之

已卯購遺書

進雲南鎮沅州為府土知州刀平知府事刀平從征八百有

功

庚辰有市外夷禮衫者錦衣衛論其通夷上詰其實釋之

癸未進永寧州為府

甲申勅鎮守雲南西平侯沐晟選蜀兵七萬合討安南勅蜀

王椿選護軍五千從征

御史車舒怠職見劾上召詰之不能對成邊

乙酉廣西左布政使儲顯坐科歛降廣東左叅議

丙戌夜大赤星光燭地自天市東垣行入天津

己丑錦衣衛校尉搗朝臣某謗毀朝政上詰其實則私恣

生也上惡其誣善下校尉法司論如律

五廟寅朔諭法司錄囚

府軍左衛指揮僉事沐昂為雲南都指揮同知

夜金星犯五諸族

乙未莊浪知縣顧佐為福建道監察御史

丁酉鑄征夷將軍征夷副將軍印

甯都督程達從西平侯沐晟行營

勅諭韃靼鬼力赤部下阿魯台

戊戌別失八里國王沙迷查于入貢

前軍都督僉事馬瑛有罪降百戶

甲辰大理寺卿陳洽赴廣西議兵事

丙午令雲南土官三年一貢著為令

丁未賜安南入裴伯耆冠帶從征

復設司牧局

戊申秦王尚炳來朝甲寅辭歸

庚戌齊王博至京師王陰蓄亡命養刺客呪詛僭帝號皆有

跡比入朝廷臣劾其罪王厲聲曰奸臣喋言又欲效建文時

耶會盡斫此輩工聞不憚削其官屬護衛居京師

丙辰吏部尚書蹇義請罪齊府教授葉坦等工曰齊王凶

悖出天性朕拔王罔圖安全之誠心溫詞尚不得其聽况肯

遜於下置不問

徙神木縣於古城以綏德衛兵二千戍之

丁巳哈密忠順王脫、祖母遠哥失里及頭目各遣人謝罪
上勅戒之

大古剌王首潑的那浪入貢初中官楊瑄雲南騰衝守禦千
戶所千戶孟景賢齎詔往不拜徒置使者於南灘河不為屈
於是悔而禮之

戊午駙馬都尉富陽侯李讓舍人申鹽被告下錦衣衛反坐
告者廷識則錦衣衛以賂故令都察院論家人如律

六月未朔日食陰雲不見禮部尚書鄭賜等乞表賀 上不許
曰陰陽家云日食陰雲不見者水將為災其可賀乎

庚申詔各安撫司首領官皆定為吏目

辛酉脩廣濟縣江隄

北京行部尚書黃福左侍郎張思恭有罪謫辦事官從征安
南尋復其官

甲子諭侍臣曰昨一事失記又思得之朕萬幾易忽卿等其
悉記之備顧問

丙寅上徧諭齊王之失於諸王

南陽獻瑞麥至五岐薦太廟

戊辰勅寧夏總兵官何福九月盡令降人郭大都等為鄉導

率騎出塞規

庚午夜月犯罰星下星

辛未禁百官入朝私揖

日本入貢

丙子令廣東貢夷值農時其方物貯南雄俟十一月運赴南

安寬民力

戊寅賑靜寧平涼華亭隆德莊浪延川饑民

己卯貸嵩溫等縣穀種千七百五十九石

壬午置大古刺底馬撒二宣慰使司小古刺茶山底板孟倫

八家塔長官司

乙酉行部左侍郎張思恭還北京

七胡子朔以代安南告嶽鎮海濱

庚寅賑嘉興縣饑民

國子監司業張智卒智順昌人洪武中舉明經授夷陵學正

薦拜禮部右侍郎居二年左遷國子學錄進博士又進司業

多識典故教循規矩

辛卯成國公朱能為征夷將軍總兵官西平侯沐晟新城侯

張輔為左右副將軍豐城侯李彬雲陽伯陳旭為左右參將

兵部尚書劉儁參贊軍事都指揮同知程寬指揮僉事王恕
等為游擊將軍都指揮同知毛人丹朱廣指都指揮同知魯麟
僉事王王指揮使高鵬等為橫海將軍都督僉事呂毅都指
揮同知江浩僉事方政等為鷹揚將軍都督僉事朱榮都指
揮同知金銘都指揮僉事吳旺指揮同知劉塔出等為驃騎
將軍拜西平侯沐晟征夷副將軍同左叅將豐城侯李彬出
雲南合兵二十萬別勅占城國王占巴的賴防遏安南

甲午賑丹徒建平黃梅新寧山陰饑民
丙申于闐入貢

丁酉大理寺右少卿袁復獄死

己亥夜大星自虛宿行至游氣

庚子除四川絕戶茶課

壬寅太白晝見

癸卯征夷將軍成國公朱能等出師 上臨江送之

乙巳申嚴誹謗之禁

丙午夜月犯壘壁陣東星

丁未金吾左衛指揮使陳亨為右軍都督僉事

戊申國子生宋仲祥為監察御史

已酉國子監博士趙季通為同業起復右副都御史劉觀
復煎簡縣竹筒井鹽
庚戌夜金星犯井宿
辛亥賑甘泉縣饑民

甲寅命欽天監纂脩陰陽星命等書

閏七月己未勅征夷將軍朱能等入安南凡得文籍圖志皆勿毀

壬戌作北京宮殿備巡幸遣官分道採木四川工部尚書宋
禮湖廣吏部右侍郎師遠江西戶部左侍郎古朴浙江右副
都御史劉觀山西右僉都御史史仲成泰寧侯陳瑄北京刑

部左侍郎張思恭督陶廠南建敬過之於東去舊宮可一里制如
戊辰申見丁著業之禁

己巳徵北京儒士武周文授翰林侍講學士周文善易上
夙重之嘗曰為學不可不知易即內君子外小人一語益人
君不淺周文辭老賜勅致仕

勅諭木邦軍民宣慰使罕的法賜金幣

上聞緬甸軍民宣慰使那羅塔攻殺孟養宣慰使刀木旦當討
遣行人張洪勅諭之母稔惡
亭未脩江浦縣江隄

甲戌置雙城撒剌兒亦馬剌脫倫卜顏五衛
乙亥召汪宗大李傑趙昇為監察御史俱請籍

築海鹽縣海塘

辛巳瓜哇國西王入貢

癸未旦老人星見

甲申建寧知府芮麟卒麟宣城人監生守台州練達得民苞

苴不入雖謫戌再舟建寧賑饑戢盜有古循吏風尤好學工

楷書

是月靜海縣雨雹傷稼

五十六

八月亥朔夜大星有光自羽林軍行至近濁

戊子置兀蘭亦兒古里札來哈脫木河福山五衛女直野人

辛卯置札木哈衛

壬辰定北京兵馬司夜巡銅牌一如京師

癸巳脩陽武縣河岍中牟縣汴河北隄

丙申夜金星犯女星

丁酉令鎮守甘肅寧夏山西西寧侯宋晟左都督何福江陰

侯吳高擇收地

勅通政司參議賀銀等於細事俱不奏徑下六科上知之

責其壅蔽

己亥濟南蝗通深景晉東鹿曲陽贊皇交河安平柏鄉任丘
旱命戶部發粟四萬石六百石有奇賑之

庚子鎮守遼東保定侯孟善不法劾讓之

占城入貢

辛丑夜月犯壘壁陣東星

甲辰置竦和兗河千戶所

乙巳賜趙王高燧書聞都指揮款台過駙馬袁容門不下馬
幾策死晉王敦為駙馬恣橫卒滅亡覆轍在前可再蹈乎此

書觀昇仍以示容

丁未江西道監察御史桂林唐廣雲為北京國子司業

江西布政司右叅政張本開封知府任毅為工部左右侍郎

庚戌夜大星出閣道行入紫微東藩外

辛亥夜月犯軒轅

癸丑廢齊王棹為庶人王不悛益怨言除封幽王西內

談遷曰齊庶人以武自雄數出塞上習於恣肆東建文之
功令下錮請室當時義旅指此激譽及身正大位終無以
貴其罪也戒之戒之母記伏地哭時耶庶人不足責而墮

此青社後之人或不當深嘗建文也

徐學謨曰昔漢高帝誅丁公曰母令後世人臣效之也谷
庶人金川門之迎自貽伊孽矣其後竟以讒誅語云物必
先腐也而後出入之詎一朝夕故哉

是月北京大雨水壞城舍

九月己朔旌鉤州袁節孝行母喪哭不輟廬墓三年

戊午申民間巾服之制

別失八里國入貢

己未增北京軍俸糧

辛酉臨汾王冲焜薨韓王子年四歲

壬戌設陝西甘肅二苑馬寺卿從三品少卿正四品

夜月犯南斗杓第二星

甲子河間知府崔衍為北京行部右侍郎復左侍郎李友直

官先坐事謫戍

置口陳干戶所韃靼

乙丑暹羅入貢

丙寅設重安長官司隸播州

戊辰賑蘓常松江杭湖嘉興復流民十二萬二千九百戶有

奇

己巳李隆嗣襄城伯李濟子

起刑部右侍郎李慶

夜大星光燭地出五車北行至雲中

辛未晉王濟煒廣昌王濟熇來朝辛巳還國

丙子湖廣廣濟縣妖僧守座立白蓮社惑眾伏誅

丁丑周王橐市馬甘肅塞外上書止之

戊寅夜金星犯進賢星

辛巳免廣西上林縣歲辦黑鉛

子九

置肥河衛女直野人

壬午設北京遼東二苑馬寺

時庶吉士王訓湯流柴廣敬先後卒上咨嗟久之曰人才

成之難喪之易何

癸未上御右順門法司引奏浙西人告誹謗者追質皆不

識面工怒其誣善立棄市

寧夏總兵官左都督何福請立東勝衛上善之報以鎮

定邊諸衛皆定議之

夜大星光燭地出南河東行入星宿

丙戌嚴匿名文書之禁

十胡子征夷將軍成國公朱能卒於龍州能定遠人以燕山中
護衛副千戶從靖難累功封及南征 上嘗占象曰西師其
有憂乎朱能智足辨也意北人不習暑耳年三十七追封東
平王謚武烈

王世貞曰靖難之初起稱首功者獨淇公福成公能而已
然 天子親為大將每戰必在行而二公者雖計畫血戰
之績多然曷能一仗旋節出號行罰哉受服南北為大將
帥能薨於師天寵蒞祿福敗而殞坐違節制寧惟弗旌罰

乃及嗣平陰 張輔 失律乘輿震躓寵以真王母廢世祀覆

敗同軌賞罰殊施嗟乎君猶天也天之未定孰敢議之

右副將軍新城侯張輔代總大軍

夜大星自天飛行入奎宿

己丑山西道監察御史甄庸為工部右侍郎

廉寅置密陳卜刺罕二衛 女直野人

癸巳夜月犯壘壁陣西星

乙未征夷右副將軍新城侯張輔等兵自憑祥度坡壘站望

祭安南山川傳檄數黎季犛二十罪令都督同知韓觀以廣

西兵運餉除道伐木繕閘梁出游兵偵賊鷹揚將軍都督俞
事呂毅等破隘留閘敗賊三萬衆留兵守大軍度閘軍容整
暇秋毫無犯

夜大星有光青白自玄弋旁入七公尾散

丙申驃騎將軍都督俞事朱榮等兵至雞陵閘賊三萬人拒
我重整鏢弩我擊斬六十餘人賊卻走

丁酉錦衣衛經歷許廓行人胡均進士李本監生張弼蔡誠
彭招戶醇鍾恕為給事中

夜大赤星自天津西至游氣

己亥前江西按察使周觀政上書求秘之

上曰彼意不必

盡法祖真妄人也

浚常熟縣福山港

庚子張輔入雞陵閘偵片站旁皆有伏令鷹揚將軍都督俞
事呂毅黃中等以兵搜捕之賊遁遂哨昌江市造浮橋築堡
遣鷹揚將軍方政游擊將軍王恕等哨富良江北嘉林縣輔
自芹嶺西折北至江新福縣而左副將軍西平侯沐晟兵至
白鶴遣驃騎將軍朱榮會之晟亦遣都指揮俞讓來又三帶
州偽僉判鄧宗原南策人莫遠莫遠等來降言賊恃東西都

及宣洩沱富良海潮希麻牢諸江自固綠江樹柵築土城縣
亘九百餘里二萬人守之又富良江南岍下木杙盡列戰艦
橋內東都守備嚴甚列象馬陣水陸師號七百萬蓋空國男
婦隨之以聲我我師自新福移營三帶州造舟圖進取
辛丑夜月食

癸卯設刺和庄長官司隸雲南都司

令湖廣三司招洪州泊里蠻夷長官司叛蠻

丙午朱能討至工哀悼輟朝五日諭祭

富昌伯房勝卒勝景陵人自偽漢來歸善射歷通州衛指揮僉

事從靖難封

夜大赤星自壘壁陣流至游氣

丁未命征夷右副將軍新城侯張輔為征夷將軍總兵官勅

曰昔開平王常遇春北討卒於軍偏將軍岐陽王李文忠代

之遂致諸將咸此殘一將軍努力毋使岐陽獨專美前代也

回回結牙思進玉椀卻之賜鈔遣歸

夜大星光青白自北斗杓南至游氣

戊申光祿寺監事井泉為光祿寺卿原燕府典膳

乙卯百戶趙賢等還自塞北言一酋也孫台為部下所殺馬

見哈咱往瓦剌阿魯台往海刺見河上未之信命甘肅寧
夏開平興和大同守將謹偵。毋墮其計

夜金星犯房宿

丙辰有吏科給事中下獄其父代陳悔罪上釋之戒其再

犯

夜大赤星出五車流光行至紫微東蕃內

十^二月冬至宴群臣夜大星出太微流光餘行至游氣

癸亥脩高郵東河隄浚江都劉家港

甲子設桑植安撫司隸尤溪衛

青州右衛改天津右衛

丙寅夜大星光青白自天苑流光餘行至游氣

己巳甘露降孝陵松柏醴泉出神樂觀取獻太廟分賜廷臣

受賀

癸酉起復工部左侍郎兼少詹事趙教

工部左侍郎張本右侍郎甄庸坐事免官仍冠帶從事

己卯置札童撒兒忽罕答河三衛女直野人

命雜犯死罪以下聽贖發遣

庚辰上聞寧夏總兵官左都督何福多見忘勅其慎起居

或遺爾飲食亦不可不謹

辛巳戶部人材高文雅言時政首及建文事次救荒恤民其語率直左都御史陳瑛劾其妄欲下吏上曰草野不知忌諱採其言勿廢也下吏部授官

壬午趣征夷將軍張輔等進師期明年二月破賊凱旋安福盜平

癸未夜大星出上台光青白流東北

甲申復置阿端衛洪武中置尋廢

十二丙戌朔復張泌光祿寺卿前坐事謫役

行人成務為山西道監察御史

朝鮮暹羅入貢

丁亥召興和備禦武城侯王聰同安侯火真等還北京

右通政張瑄役蘓松常鎮人十萬浚孟潯河至奔牛鎮七千五百五十餘丈

戊子駙馬都尉沐昕迎尚師哈立麻初中官侯顯往烏思藏徵哈立麻至是報入境故遣昕

辛卯詔大赦

左副將軍西平侯沐晟奪宣江而軍次沱江與多邦城對壘

征夷將軍新城侯張輔遣右參將雲陽伯陳旭合攻沔江作
浮橋濟師驃騎將軍都督僉事朱榮等敗賊嘉林江而張輔
議上流渡遣榮於下流十八里對賊日偽增其軍列筏誘之
賊果分兵登劫榮等大破之

壬辰別失八里國入貢

夜大星出參宿後二小星隨之

癸巳韃靼頭目苦木帖木兒等來歸授都督僉事賜名柴永
正達丹莊浪衛指揮僉事賜名氏安汝堅把的正千戶賜名氏
平以正

六年

丙申張輔克多邦城先留都督高士文於箇招市江接朱榮
等兵大軍合左副將軍沐晟賊沿江柵皆迫水不可上惟多
邦城下沙坦可駐師而賊嚴備下設重濠、外復為坎、外
皆蒺藜士馬甚盛輔購死士為雲梯夜蟻附而上賊列象陣
以拒輔夙具繪獅蒙馬而衝之象皆股栗退走矢石盡發呼
聲動天地賊大潰

丁酉起復左僉都御史趙翥

張輔循富良江擣東都黎季犛急焚其宮室遁入海

東都即交州

戊戌趙王高燧入朝

己亥置木魯罕山衛女直野人

癸卯左右叅將豐城侯李彬雲陽伯陳旭下西都都督黃中
等屢敗賊生厥江潭舍江於是三江宣江沅江等州縣次第

降

乙巳復右僉都御史俞士吉官

己酉除廣西戶絕田及桑棗茶租稅

尚師哈立麻入朝奉天殿初款上躬勞之尚書夏原吉言宜

示以君臣禮上曰卿欲效韓愈耶賜金銀鈔幣甚賚

廣東按察使羅觀有罪下獄死

十六

十七

貴州總兵官鎮遠侯顧成招諭合江等寨皆來歸

辛亥淳泥國娑羅國東王西王各入貢

甌寧王允熈薨懿文太子季子建文帝對徐王上改

封敷惠王二年改甌寧王奉懿文之祀一夕薨於火年十

六謚哀簡

談遷曰懿文性悖大奸行其德遭家不造餒同若教鳴

呼天哉孔融二子云覆巢之下寧有完卵甌寧以火梅殷

以水文皇帝深為天下計無及其私矣

甲寅哈察入貢

兀良哈饑請馬易米厚酬之

丁亥永樂五年

正丙辰朔張輔遣清遠伯王友沐晟遣都指揮柳璟等渡注江
襲籌江柵破之又攻困牧山萬劫江普賴山斬三萬七千三
百九十級餘賊潰散將胡杜聚舟盤灘江使南策降人陳封

五七

三

擊敗之杜走閩海口因降諒江東潮等

己未都察院右都御史吳中改工部尚書刑部右侍郎李慶
改左副都御史

庚申旌旗手衛千戶張儀弟信孝行嘗割肝愈母疾授尚寶
司丞

壬戌年江伯陳瑄都督宣信總督海運

甲子勅張輔等聞破賊多得糧可停廣西轉餉如在塗即道
貯之

丁巳工南郊

戊辰置喜樂溫河木陽河哈蘭城可令河兀的河阿古河撒
只刺河依木河亦文山木蘭河阿資河甫里河十二衛野人
已已立五臺山寺塔

初張輔偵賊歷富良江距交州下流二十餘里黎季犛子澄
等出黃江屯兵木九江沐晟及參將豐城侯李彬自富良

江進魯江賊五百艘犯我軍逆戰大敗之斬萬餘級
辛未浙直私披剃請度牒者千八百諸人悉戍遼東甘肅

壬申潛江王貴焮薨七歲

白喫洋偽都總管林采等來歸隸籍潮州

癸酉嚮州知府郭敦武進知縣朱仲安收縣知縣王虞敬為
監察御史

甲戌賜尚師哈立麻儀伏視諸王

乙亥安鄉伯張興卒興壽州人自行伍歷燕山左護衛指揮
僉事從靖難敢戰封

丙子設鎮南長官司隸施州衛

涿州等縣水災蠲五萬二千三十石有奇

丁丑置朵兒必河衛女直野人

晉王濟熇宮中火

已卯賜陝西都指揮僉事朵兒只寧夏都指揮僉事鉄住姓名柴克恭

置紉木河南門河二衛女直野人

壬午罷軍民代木

二朔戌朔置哥吉河野木河紉刺吉河亦里刺河荅刺河五衛女直野人

張輔遣南策人莫遠等招諭郡縣俾官民復業訪求陳氏後

庶寅尚師哈立麻建齋靈谷寺厚賜有差

勅廣西總兵官都督同知韓觀等移勅柳潯諸蠻

景秀范記定
厥州川太史

翰林學士兼右春坊大學士解縉降廣西布政司右叅議左

春坊左中允尹昌隆改禮部主事初封安南縉力言交趾古

二羈縻國不足郡縣置上不懌頃之廷試讀卷謂不公故左

遷

辛卯夜大星出天厨光青白流至近濁

壬辰虎賁士百餘人奉遣掠民財治之如律

夜月犯井甯

癸巳勅張輔等安南才德賢智之士

戊戌朵顏衛頭目把禿來朝乞省母北京許僦居

甲辰夜月犯天江中星本降之官其地有積雨
丙午復設五峰石齋長官同隸湖廣都司
丁未婆羅國入貢

癸丑置阿剌山隨滿河撒克河忽蘭山古魯渾山五衛
夜大赤星自牛宿行至游氣中

甲寅真定保定水災蠲租三萬二千三百十五石

三丙辰博興訓導楊秉為廣西道監察御史

復設東鄉五路安撫司隸施南宣撫司

琉球國山南王汪應祖入貢

丁巳封尚師哈立麻為萬行具足十方最勝圓覺妙智慧善
普應佑國演教如來大寶法王西天大善自在佛領天下釋
教賜印誥其徒封大國師各有差賜印誥金幣宴奉天殿時
賜齋亡筭翰林侍讀李繼鼎曰彼神通當能漢語何待譯其
教人誦唵嘛呢叭彌吽乃俺把你哄也

黃瑜曰東井陳先生宣之政為雲南憲副嘗見西番僧至
滇過旱能入海擒龍歸鉢中以劍擬之輒雷電而雨足履
禱石深入數寸既去則鞋跡存焉呪六畜生者輒死復呪
之則死者再生此元人所以尊信加帝師號至於皇天之

下一人之上蓋憚其邪術故也書曰三危既宅三苗丕叙
以南蠻蔽西戎今肅州地也又曰織皮崑崙析支渠搜西
戎即叙今西番西番有崑崙山在焉析支即今西番有析
支水存焉渠搜即河套東南有渠搜縣故城在焉三國皆
未以織皮為貢即次云者以次相聯便屏蔽北狄也 文皇
皇帝崇禮西番為師徧為建寺蓋有意於此惜予無以唐虞
跡告之也

唐申駙馬都尉胡觀以黨李景隆劾下獄
亭西設四川馬刺長官司

甲子四川大木一夕自山浮出於江工部尚書宋禮以聞賜
名神木山遣祭勒碑

征夷將軍張輔馳上安南軍民降表言陳氏殲盡乞復古郡
縣

丁卯夜大星光青白出天市東垣行入天津
已巳置考節元亦速里河二衛 女直野人

設雜谷安撫司達思蠻寨長官司

庚午哈密忠順王脫、貢馬諭其忠孝

築東昌瀋隄

夜月犯房宿

辛未勅陝西都指揮僉事劉昭何銘等往西番采甘肅思藏等處設立站撫安軍民

壬申守衛官誦經皇城下不報 上召責之

癸酉選國子生蔣禮等三千人隸翰林譯書仍許鄉試

誅禮部右侍郎戚存心存心先泄機密宥之至是 上夜御

右順門急召禮部官命至即滅燭就邸 上久待不至還奏

得實誅之

戊寅新塗訓導吳嘉靖為左春坊左中允大治知縣于賢為

廣西道
史察御史

己卯趙王高燾還北京

置野見定河小魯丹河二衛 女直野人

庚辰夜大星光青白自天廟行至近濁二小星隨之

辛巳改上林署為上林苑監兼用中官

張輔沐晟等敗黎季犛於富良江初追賊膠水縣之閩海口

地下濕不可屯乃陽還師驪子關築堡俾都督柳升守之賊

果來躡輔等回軍值於富良江賊舟亘十餘里又精卒數萬

陸戰我夾擊大敗之斬數萬級江水為赤長驅至黃江抵閩

海口季犛等潛遁偽吏部尚書范元覽大理寺卿阮飛卿等

皆降... 夜大星自天市東垣行至近濁... 甲申詔北京夏稅及赦前租稅課程悉輸鈔... 四朔成興平王尚岍永壽王尚灶來朝... 平陽王濟煥來朝... 非召卻之... 緬甸土官那羅塔等以行人張洪等宣諭貢方物謝罪... 戎子行人李克讓為四川道監察御史... 辛卯皇長孫出閣就學太子少師姬廣孝翰林待詔魯瑄

鄭禮等直講

甲午前禮部儀制郎中兼右春坊右贊善李繼鼎侍 皇長

孫仍右贊善

勅寧夏總兵官左都督何福比內使林清擅索兵數爾遽示

之何也自今慎之慎之

增置各省按察僉事管屯糧

乙未順陽王有烜來朝

琉球國中山王世子思紹入貢

右僉都御史史仲成憂去

丁酉寧世子磐斌代世子遜端來朝

別失里國入貢請兵服撤馬兒罕諭止之

哈刺火州三子哈散土魯番萬戶賽因帖木兒柳陳城萬戶

瓦赤刺等俱入貢

戊戌勅甘肅總兵官西寧侯宋晟軍士潛出境留居別失

里哈刺火州泄事其嚴加約束

庚子朝鮮入貢

後軍都督僉事曹遠卒定遠入

丙午夜大星自庫樓南行至雲中

七

戊申復設忠路忠孝金峒三安撫司隸湖廣施州衛

陳士元曰予社友尹惟一宰建始時悉究施衛事嘗為予

言施夷性悍黠設衛羈縻不純以法繩也諸土司初奉衛

官揣、惟謹而衛官貪賄敗度乃今諸土司桀驁輕視衛

官不為意或議宜增設府制如馬湖故事復清江建始為

其屬邑仍置南坪堡統於衛其嶮強豪酋即立為千總而責

以事任馬衛官惟理戎務耳賦徭訟獄皆主於郡郡分尊

而職專選有才望者為之經略數年自土潛消土酋之驕

恣而邊民賴以久矣

以

給霸州密雲西陽等粟豈萬一千三百九十石農種

己酉都指揮僉事郭義為中軍右都督

賑順天河間保定饑民

庚戌設西山陽峒蠻夷長官司隸貴州

雲南平百大甸軍民宣慰使乃招散貢方物及金銀器謝罪

受之

五乙卯徙平陽澤潞登萊民五千戶實上林苑

辛酉武昌僧求脩觀音閣祝釐不許

甲子開平衛卒蔣文寔言物料非土產者勿取旌表節義當

七

從公

征南兵獲黎季犛等安南平初張輔等次演州偵季犛走入

安之深江乃自陸進都督僉事柳升以舟進沐晟等循聲厥

江至日南州奇羅海口大敗之得舟三百輔等追之永定衛

卒王榮胡等七人擒季犛及子澄等

乙丑安南人武如卿等於永蓋海口望高山獲大虞國太上

皇帝黎蒼偽太子黎芮梁王黎激等柱國東山鄉侯胡杜等

夜月犯東咸星

丙寅遣諭瓦剌馬哈木等時間廢鬼力赤立本雅失里

以

戊辰大星出紫微蕃內行至游氣中
己巳工幸靈谷寺

庚午設赤溪南洞長官司隸思州

辛未河南饑有司匿不以聞悉下刑部亟賑之

壬申夜大星出即位行至游氣

甲戌選安南人補大軍

己卯日本入貢并獻倭寇道金等工勅勞之

復工部左侍郎張本右侍郎甄庸官

辛巳右僉都御史俞士吉巡視浙江民瘼還上聖孝瑞應頌

以諛詞擲還之

壬午福建都指揮僉事張豫坐頓置番國方物不如法戍安

南

六朔未朔詔平安南

安南陳氏已絕設交趾都指揮司都督僉事呂毅署司事黃

中副之上部尚書黃福兼署布政按察二司前工部侍郎

張顯宗福建右叅政王平為左右布政使前河南左右叅政

劉本劉昱為左右叅政前江西按察使周觀政降人裴伯耆

為左右叅議前河南按察使阮友彰按察副使楊直為按察

副使前太平知府劉有年為按察僉事府有十五交州北江
諒江三江建平新安建昌奉化清化鎮蠻諒山新平濱州又
安順化州四十七縣百五十七得人民三百二十二萬有奇
蠻人二百一萬七千有奇粟千三百六十萬石畜產二十三
萬五千九百有奇舟二千六百七十七艘兵器二百五十三
萬九千有奇立交阯鹽課提舉司改雞陵關為鎮夷關
談遷曰交南用兵自兩漢後無全利矣蓋夷性獷悍叛服
不恒文皇帝力求陳氏後興戒繼絕德意甚盛而莫遠
等猥云血胤漸盡果凶德參夷之極或仰窺風旨欲以示

漢大也噫土人戀主如越鳥代馬其性難移大軍甫旋陳
季擴竊王節之號煽誘荒裔雖狡偽遠禍而求其不侵不
叛安若覆盂則招携以禮懷遠以德亦所當講也

大理寺卿陳洽改吏部左侍郎給符驗二千道

丁亥安陸衛指揮僉事劉震為交阯都指揮僉事

戊子治北京祀典神祇壇及祭器樂器

己丑山陽人丁珏訐鄉人誹謗者工才之授刑科給事中

庚寅都督同知朱崇都督僉事莫英鎮守浙江

設德州左衛

辛卯禮部右侍郎趙珣為尚書

壬辰命指揮徐佑周鼎劉綱選湖廣廣東貴州壯士三萬同

錦衣衛指揮程遠期十月朔會廣西韓觀兵勦柳潯蠻

癸巳設交趾交州左右中前等衛昌江衛丘温衛市橋隘留

關二舟禦千戶所

乙未勅張輔移兵會廣西韓觀勦蠻

翰林侍讀學士王達卒達字達善無錫人自大同訓導私謁

燕邸進國子助教翰林編脩工詩文性謙冲恭慎上問建

文帝云何曰可為善第輔道悞之耳年六十五

庚子昨歲命內使李進採山西天芥菜至是進又矯旨往遣

御史鞠治

壬寅駙馬都尉宋琥省西寧侯晟於甘肅

令雲南各學皆行釋奠禮

癸卯徵交趾人才

兵科給事中傅安郭驥等還自撒馬兒罕初洪武二十八年

使撒馬兒罕被留十三年至是頭目哈里歸之同行御史姚

臣太監劉惟俱沒官軍千五百人生還僅十七人

丙午設濟寧衛增徐州中左中右二千戶所

夜月犯火星

庚戌左通政趙居任脩築杭州江隄

辛亥柳州自正月不雨命戶部馳視之

七月子朔命甘肅總兵官宋晟選千人或五百赴哈密助忠順

王脫

癸丑甘肅總兵官西寧侯宋晟卒晟字景暘定遠人從

祖起兵歷中軍都督僉事鎮涼州建文初徙鎮河西上即

位拜後軍左都督鎮守如故威信素著大酋多來歸得封

子三瑄禦請難兵戰沒靈璧琥尚安成公主瑛尚威寧公主

夜金星犯右執法

乙卯皇太后徐氏崩后中山王長女仁明賢淑漢馬氏唐長

孫氏之流也年四十六

戊午夜大星自五車旁行至游氣

兗州蝗

甲子夜火星犯木

乙丑山西左叅政王彰為禮部右侍郎

丁卯駙馬都尉宋琥為平羌將軍總兵官鎮守甘肅

河決河南傷稼

戊辰浙江左叅議左獻為刑部右侍郎

庚午國子生劉安石礪陳瓚秦茂王會李旭戈定遠為監察

御史山西王

癸酉夜火星犯諸王西星

甲戌朝鮮入貢

乙亥有牧卒告人呪死其馬工以誣詞斥之

丙子立神樂觀醴泉碑

戊寅兵部右侍郎兼少詹事墨麟卒麟高陵人入太學拜御

史尚嚴刻刑糧長之無辜者進北平按察副使靖難時城守

功進侍郎晚腐足如削洵異報矣

己卯山東布政司左叅政郭璉為工部右侍郎

辛巳徐欽嗣魏國公輝祖長子

八月酉勅寧夏總兵官右軍左都督何福往鎮甘肅

令駙馬都尉宋琥還喪京師

己丑夜大赤星有光自天桴行至雲中

癸巳老人星見

丙申太白晝見

戊戌夜月犯外屏西星

張輔遣游擊將軍都指揮同知朱廣鷹揚將軍都指揮僉事
方政會都督韓觀勦廣西叛蠻

已亥古城國王占巴的賴奏復安南侵地獻俘 上嘉納之

夜金星犯氐宿

庚子錄囚貸輕罪

辛丑夜大星自雲中流東南

甲辰大霖雨壞北京永平山海保定城垣

己酉四川布政司右叅政宋性為北京刑部右侍郎

夜火星犯司恆

庚戌止郡縣父老進香

前軍都督僉事高士文討廣源餘寇連戰中砲死都指揮程

瑒兵繼至盡平之士文善騎射自小校授燕山左護衛百戶

請難時每戰先登

夜大星光燭地自五車流入紫微西蕃至鉤陳

九月子太監鄭和還自西洋械獻舊港海賊陳祖義蓋詐降襲

我幸先備擊殺五千餘人執祖義至京伏誅

蘇門答刺國古里國滿刺加小阿蘭國阿魯國入貢

夜大星光青白自紫微西蕃行至雲中

癸丑夜金星犯東咸

甲寅國子生李琳為山東道監察御史

乙卯安南獻俘偽大虞國上皇黎季犛偽皇帝黎蒼偽衛王

黎澄偽梁王黎激偽新興郡王黎注偽太子黎芮等二十五

人六士廷責季犛父子頓首謝罪下獄赦其子孫給衣廩

丙辰賞獻俘將士都督僉事柳升橫海將軍都指揮魯麟等

丁巳開浦城縣銀冶

戊午舊港頭目施進卿入貢特授舊港宣慰司使賜印誥

庚申朝鮮入貢

別

癸酉張輔送交趾工匠七千七百人至京

爪哇國西王都馬板入貢謝罪初西王攻滅東王及朝使過

東王城被殺我軍七百十人至是憫甚上遣青翰黃金六萬

兩王使貢

丙子太監王貴通貴勅勞占城國王占巴的賴

夜大星自文昌行入北斗魁

十朝已朔交趾甘潤祖等十一人舉明經悉授諒江等府同知

不工作詩勉之

癸未夜金星犯南斗魁

十日

丙戌有守衛卒乞省母疾 上曰何不早言曰昨告守衛官
不聽 上怒斥守衛官戍邊

丁亥張輔等訪舉交趾文武才藝之士九千人命給綿衣靴
襪入京 自文昌入北平

夜大星晃青白燭地自雲中行至近濁 子
戌子勅青老樞宣慰使刀線及助黎季犛兵象

己丑諭刑部尚書呂震凡戍邊各從南北風土所宜聞北人
苦寒瘴其改佃北京全活之

辛卯紹興人若鄉人居室違制 上曰江南少兵章多宋元

故居何可概罪令巡按御史驗之

壬辰遣諭元良哈三衛

甲午冊謚 大行皇后曰仁孝皇后

丙申高平王濟燁來朝進羊馬

夜月食

戊戌增設北京苑馬寺二十四苑

夜月犯東井

辛丑暹羅入貢 初占城貢舟風漂至彭亨國暹羅掠而留之

又奪蘆門答利國滿刺加國所賜印誥事聞勅諭其國王昭

祿羣賈陔羅歸剝
夜月犯軒轅
癸卯追贈安南陳氏子孫七人叅政叅議等官俱黎賊所害
夜月在太微垣犯內屏二十四
乙巳夜大星出內屏行入北斗杓
丙午鎮守儀真都督譚青不法被劾上宥而責之
丁未命右副都御史劉觀遣還山西採木之卒俟明春至
左通政楊泰為北京刑部右侍郎
廣西柳潯等叛蠻悉平

己酉夜大星有光出卷舌西北行至游氣

庶武韓王松慶於京王機辨通今古恭謹無過謚曰憲慈安

德門外

十一月辛亥朔勅張輔班師

冒起宗曰成祖之貸胡查至矣查不悟卒以滅亡蠢爾

蠻夷方大邦為仇其謂是與乃老撾達天平之奏比及平

交又佐黎逆何始終之背也君子曰夷獠誦詐不足馮也

陰柔反復不足誅也雷霆之擊討大山海之藏宥小斯帝

王之量然哉

右春坊右庶子兼翰林侍讀胡廣為翰林學士兼左春坊大學士庶子兼翰林侍讀黃淮為右春坊大學士仍兼侍讀為左諭德兼翰林侍讀楊榮為右庶子侍講兼左中允楊士奇為左諭德侍講金幼孜為右諭德皆仍兼侍講侍講鄒緝兼左中允脩撰曾棨林環進侍講脩撰梁潛兼右贊善檢討沈度庶吉士彭汝器王直余鼎王英羅汝敬為脩撰令吏部廣等侍朕久勿改外

夜金星犯十二諸侯國秦星
癸丑頒仁孝皇后勸善書

河決湯陰免今年田租

甲寅山海衛都指揮同知費瓛為後軍都督僉事

乙卯工部左侍郎張本上章悞右侍郎被劾命即右之
己未高平王濟燁薨年二十九謚懷簡

逮河南按察副使夏禮裴璉僉事溫仲和黃友信下都察院獄以巡按御史曹瑛劾其畏巡歷凡事輒委有司也

談遷曰祖宗時分司不停輟雖窮鄉僻邑干旋時及蓋舟車四馳供帳簡約如郵客然民不告斂晚季深居一城事取遙決耳目寄於銅墨精神疲於案牘或間出非常勉

一行却郊迎宴遺百牢九賓奠以加馬顏風浸淫安得以
文皇帝之三尺鞭其末流哉
乙丑頒口仁孝皇后內訓於群臣
羣星見
太子少師姚廣孝等輯文獻大成二萬二千二百十一卷更
名永樂大典
上自序之

丙寅給趙王歲祿萬石

設三江清化又安新平順化五衛濱州南靖二守禦千戶所
前軍都督僉事皮勇卒蕭縣人

丁卯夜月犯鬼宿

戊辰設通州左衛立倉貯漕粟

右軍都督僉事柴秉誠卒降胡倫都見灰居涼州

己巳廣西布政司右叅議吳翔往龍州受民賂東宮下之

都察院獄

庚午夜大星出南河行至游氣

二月
庚辰朔夜大星光青白自丈人星南行至近濁

甲申朝鮮貢馬三千匹

己丑設交州後衛鎮夷諒山二衛增守禦千戶所十有五

壬辰置善刺烏衛野入
甲午頒賜高皇帝戒諭功臣鉄榜及勅旨於武臣

丙申阿魯台遣使來朝

夜月犯軒轅

甲辰中軍都督李諒致仕

乙巳通山王孟煥來朝

丙午夜大星光青白出游氣中行至近濁三小星隨之

戊申錢塘吳登為禮科給事中

戊子永樂六年督京東

正朔戊朔皇后喪免朝賀

朝鮮世子李禔來朝

夜水星犯壘壁陣東星

丁巳岷王梗慢侮不悛削護衛罷長史審理等官

辛酉工南郊

壬戌夜月犯鬼宿

甲子太監王安等使別失里國時鴻臚寺丞劉帖木兒不
花等使迤西言本雅失里走撒馬兒罕已走別失八里今
迎立之遂遣使覘

五開犍為縣鹽井

乙丑右軍都督僉事馬榮轉漕北京

丙寅夜月犯太微東垣上相星

丁卯夜月犯亢宿

戊辰設交趾雲屯市舶提舉司

甲戌趙王高燧始奔喪

置統都河寶山忽里吉山列門河莫温河阮里河察刺禿山

嘔罕河少衛女直野人

丙子李禔辭歸上詩賜之

二劫午趙王還北京

夜火星犯司佐

癸未勅武城侯王聰同安侯火真領騎備宣府

可亥命廣東海運米二十萬石於交趾

己丑裁交趾附郭縣俾知州理民事如內地

癸巳夜水星犯壘壁陣

甲午遣祭別失八里國王沙迷查干時弟馬哈麻嗣

乙未後軍都督僉事王端都指揮同知林泉都指揮僉事牛

諒俱運木貪淫被劾下錦衣衛獄謫端開平

丙申增交州中右前三衛

置弗朵羌河斡蘭河薛列河希灘河克默而河阿真河兀里

奚山撒文河阿者迷河木忽刺河欽真河童寬山十二衛

直野人

唐孖刑部郎中吳盛為右侍郎

九

壬寅浙江都指揮使孫成奏對不實謫戍邊

癸卯交州知府阮均為北京刑部左侍郎建昌知府同彥翊

濱州府同知黎思凱為右侍郎

夜大星光青白自亢宿南入庫樓

甲辰武康伯徐理卒西平人營州中護衛指揮僉事從靖難

太白晝見

丙午都指揮費義為前軍都督僉事

丁未免北京積逋

己酉工部司務張儼進士邵玘殷旦李玉韓瑜為監察御史

封

諭功臣子弟習騎射如試不中成本衛三年又不中戎邊入
平江伯陳瑄總海運前軍都督僉事宣信副之

三月癸丑寧陽伯陳懋鎮守寧夏

乙卯免河南山東山西逋租

丙辰有言肅王不法工勅讓之逮其餘人朱典及長史至

京大皇太后命自命之入京

戊午常寧公主薨年二十三嫁駙馬都尉沐昕

己未賑來安舒城饑民米萬七千九百四十石

唐申雲南按察使周新改浙江

九

趙府教授王玘國子生回謙張翼為監察御史

定交陞賦稅務從輕省

辛酉遣諭十本雅失里曰近聞鬼力赤迎爾北行朕計鬼力

赤與也孫台為肺腑親爾與之勢不兩立邇元六代相傳無

一善終爾保身亦復何易爾元之宗嫡能幡然來歸朕且加

之封爵

忽的河法胡河卓兒河海刺河等女直野人頭目哈刺等入

朝地併入建州衛

夜月犯太微東垣上相星

壬戌賑麗江軍民府饑

癸亥巡按福建御史趙昇奏柏生華 上勅責之

丙寅甘肅總兵官左都督何福求協守勅曰汝慮久掌蕃漢

兵勢重生讒耶老將也朕推誠相倚

丁卯置兀魯罕河峇罕山木與河益實者帖列山乞忽刺魯

牙魯友帖九衛女直野人

己巳召鎮守貴州鎮遠侯顧成還京

術冢言今歲多海風勅鎮守遠東保定侯孟善凡貢使至俱

遵陸

夜木星犯諸王西星

辛未撫安江西 科給事中朱肇捕安福盜虐民株連三千

三百人 上得狀徵下獄

夜大星出天厨行至游氣中

乙亥琉球國中山王思紹入貢

丁丑蘓揚二府言檜花之瑞 上勅責之

戊寅勅戒連王植遣內人商販恣擾

四 壬午禮科給事中傅安往賜撒馬兒罕國王哈里綵幣

癸未設促瓦散金二長官司隸雲南都司

乙酉戶科右給事中陳敬宗為廣西按察僉事

黃岡教諭羅拱為兵科給事中

廣西布政司右叅議解縉林與林改交陞淇國公丘福泄縉

立儲語於漢府高煦高煦大恨禮部尚書李至剛奏縉怨望

故改交陞督餉化州

丙戌楚王植私遣內使市馬雲南恣肆犯法 上勅王自治

之

戊子夜木星犯諸王星

己丑夜月犯進賢星

辛卯永壽王尚虹來朝

夜火星犯鬼宿

甲午夜木星犯諸王東第一星

丙申賑獻縣饑粟千五百七十石

庚子如來大寶法王哈立麻辭歸遣中官護行

正談遷曰西僧善幻者文皇深信之或曰尚師即帝師也史

載臣諱之耳而師太祖實錄中亦稱尚師豈猶沿元制果有

大所諱乎

丙午孝感主簿王佐國子生孫儼王增朱應祖孫嵩儒士項

民彛俱為監察御史
戊申都指揮使薛貴為中軍都督僉事鎮守貴州

鎮遠侯顧成入朝上慰勞之賜金鈔文綺尋還鎮

五庚戌肅王樸上章引咎祈免朱典等工不許

癸丑日本國王源道義入貢獻所獲海魁工厚賜之

甲寅設遼東自在安樂二州即自在快活二城

乙卯福建按察副使盧文達有罪戍邊

丙辰夜大星赤光燭地出狗國東南行入游氣二小星隨之

戊午瀋安唐郢伊魯六王將之國命戶部各歲給千石免其

護衛屯田三年

談遷曰趙王萬石瀋安唐郢伊魯則千石漢明帝有言吾

天子曷敢與先帝子並惜無以是告文皇者

庚申夜月犯東咸星

辛酉通政司參議賀銀坐欺罔劾免

夜月犯天罡星

壬戌夜京師地震

癸亥詔悉赦交趾餘孽使各復業

戊辰靖江王贊儀薨

壬申留守中衛經歷徐隆右衛經歷宋興為監察御史
乙亥青州蝗遣官捕之

六月庚辰停北京諸郡買辦招流民免賦役三年

辛巳禁軍民子弟僮奴冒為僧并父兄罪之令輸作

壬午陝西漳縣雨雹大水

甲申改潼關衛隸北京行後府

夜金星犯諸王星

丁亥命戶部尚書夏原吉自南京抵北京綠河巡視軍民運
木造磚

征夷將軍新城侯張輔左副將軍西平侯沐晟等班師至京

上交陞地圖設十衛二千戶所十五府四十一州二百八縣

上嘉勞之

翰林院庶吉士沈升上五事曰整飭各衛武備曰預選精銳
充扈從曰移鄉村倉廩於城委老人及溫室守視曰選經明
行脩之士充教官曰鄉試務精選實學上採用之

夜月犯房宿

庚寅右春坊右庶子兼翰林侍講楊榮憂去

壬辰諒江知府莫邃為交陞布政司左叅議初邃忿黎氏募

土兵萬餘人助討有功凡平通遠使官遠後陣沒子嵩嗣職陷黎氏過

害登庸冒遷為曾祖云

丙申欽天監占外夷侵邊於是勅趙王及總兵甘肅何福寧

夏陳懋廣西韓觀交趾呂毅大同吳高等各飭邊備

夜金木二星犯井宿

己亥太監王安馳奏本雅失里自別失八里北行遣人伺哈

密被留工勅忠順王脫送其人於何總兵福

庶子吏部左侍郎兼左春坊左贊善許思溫卒於獄思溫自

國子生署刑部主事歷遷監察御史降揭陽知縣未上還前

九名

任薦擢北平按察副使值靖難城守功起任工即位拜吏

左已兼左贊善時漢趙二邸相繼伺東宮中之下獄瘦死年

四十三有才略尤長兵事死未悉冤人俱惜之洪熙初贈行

在吏部尚書

夜大星自天槍行入右攝提

辛丑禮部尚書鄭賜卒賜建寧人洪武己丑進士授御史歷

湖廣北平左叅議建文中拜工部尚書督軍河南工即位

詰賜對曰亦盡臣職耳釋之改刑部和厚易直而同官數短

之益疑畏至疾猶不敢休沐上聞之諭祭

壬寅鎮守貴州鎮遠侯顧成勦橫州叛蠻
甲辰右副都御史劉觀為禮部尚書龍江左衛經歷王恕為
北京監察御史
七月未朔楚世子孟焯來朝
于闐滿刺加入貢
遣內官把叅李達等諭八答黑商葛忒即哈實哈兒等開道
通旅

戊申夜金星犯天鎮西星
己酉夜大星出天津西北行至女牀

九次

辛亥始吉服御奉天門

魯王肇輝之國兗州

夜火星入太微垣右掖門

癸丑叙平南功新城侯張輔進封英國公西平侯沐晟進封
黔國公各世祿三千石豐城侯李彬雲陽伯陳旭各增祿五
百石清遠伯王友進侯世襲都督僉事柳升封安遠伯故都
督僉事高士文贈建平伯皆世襲都督僉事朱榮進右都督
餘陞賞有差

夜大星出天桴行入天紀犯西稍星

甲寅賜兵部尚書劉備吏部左侍郎陳洽工部主事黎添祿等金幣有差

乙卯罕賓襲木邦軍民宣慰使罕的法子

丙辰設里麻長官司隸雲南都司

夜火星犯太微垣右執法

己未山西都指揮同知魯麟從征交趾有功賞之仍罪謫南

丹

辛酉思明府大雨水壞城舍人畜

癸亥國子司業趙季通改北京

九七

甲子黔國公沐晟仍鎮雲南

福建行都指揮僉事劉達受賂貸死徽海捕倭御史殷祖又

受達賂成盧龍衛

丙寅浙江布政司左叅政張春為戶部右侍郎

庚午諸司庶務奉皇太子處分稱令旨

夜大星出天苑行入近濁三小星隨之

壬申賜故朝鮮國王李旦謚康獻禮部郎中林觀往祭

祭談遷曰李旦黎季犛之篡弒一也在旦則謚在季犛則討

袞弒稍失其平矣雖徇其子芳遠之請然義無二命遣祭

可也易名之典少需之以俟論定
癸酉翰林學士王景卒景字景彰松陽人洪武初歷教諭守州進山西右叅政謫雲南建文中改知縣脩實錄夏去起翰林侍講從上進學士博學善文翰然不謹細故與時多忤云
是月玉山永豐三縣疫
丙子朔定明年巡狩北京議區畫遣諭大古刺宣慰使潑的那浪時科給事中周讓時使還言潑的那浪攻奪底板孟倫八家塔三長司宜討故勅諭之

九

致

丁丑周王構進野蠻
戊寅欽縣知縣石啟宗卒啟宗樂平人由薦辟廉謹平易門無私請尤善決訟禳旱祛蝗人甚德之
己卯浚浙江平陽縣支河
辛巳設北京會同館
壬午各處田務從輕例
癸未翰林脩撰李貫檢討王洪主試應天
乙酉交趾賊簡定鄧悉等作亂定故仕陳氏降我例赴京遂同陳希葛逃去說鄧悉等起化州推定聚萬衆益南合慈威

蠻下大堂應平石宣等遂稱大越上皇改元興慶帝為為太
保郡公官軍不能制詔發雲貴川兵四萬拜黔國公沐晟征
夷將軍征之兵部尚書劉儒仍贊軍事

丙戌詔明年北巡

丁亥唐王程之國南陽鄂王棟之國安陸伊王構之國洛陽

庚寅武安縣電

壬辰中官張原使暹羅先是暹羅人李黑隨貢使失風流安

南之又安被留沐晟訪而歸之

夜大星光青白出閣道行入紫微西蕃內三小星隨之

九九

癸巳召戶部尚書夏原吉還

甲午勅諭交趾叛人簡定等

乙未溇泥國王麻那惹加那乃率妃及弟妹男女來朝遣中

官迎勞於上親宴之奉天門賜儀仗衣服

丙申增設甘肅苑馬寺各監苑

己亥起復光祿寺卿張泌

九月未勅山東陝西遼東湖廣河南山西各都司簡步騎扈從

北巡

前禮部尚書兼左春坊大學士李至剛下獄至是釋降儀制

同節中書無主春故大學士趙光倫勝宗
戊申國子生趙獻劉勤文獻宜順鮑在禮謝恭趙光倫勝宗
智顧文遠余信商忠徐期王信周榮鄭道成均張敬劉弘道
趙慎並為監察御史
己酉潞州慶成王府改瀋王府
部院多淹獄致死 工惻然責尚書呂震等三日除大辟罪
餘盡決遣
庚戌前江西布政司左叅政劉辰為北京行部左侍郎
甲寅夜大星出外屏行入滕蛇旁

辛酉榜葛刺國王霸牙思丁入貢
壬戌翰林脩撰吳溥為國子司業
恭興縣丞郝傳巖奉化教諭陳山兗州訓導朱麓滕陽驛丞
曾由正監生党忠為吏科給事中懷寧教諭程昭安慶訓導
蘓文進平峪典史李清監生宋載裴宣為戶科給事中岷州
衛教授陳順親武義教諭吳道光西安府照磨朱菴監生胡
渙王成美為禮科給事中永寧縣丞黃旺京山教諭丁鐸泰
興訓導陳道桓監生周鎬蕭鼎李頌為兵科給事中戶部司
務譚福吳江主簿陳敏大竹教諭冉寧平山訓導武烈監生

劉誠任憲為刑科給事中婺源教諭樊敬監生劉泉胡進張
用申白永年為工科給事中
癸亥中書舍人芮善為經局洗馬
乙丑逮晉府紀善古紹先以拒北巡詔不納蓋迎詔具在祖
訓紀善有不知耶
建昌撫州邵武建寧延平連年大疫東宮遣官視災賑卹
丙寅夜大星光青白出羽林軍行至雲中
丁卯山東都指揮使吳庸為後軍都督僉事
己巳夜大星出六諸王東北行至近濁

壬申夜大星出壘壁陣東行至近濁

癸酉太監鄭和復使古里滿刺加蘇門答刺阿魯加異勒瓜
哇暹羅占城柯枝阿撥把丹小阿蘭南亞里甘巴里諸國賜
其王錦綺紗羅

夜大星光燭地出太微西垣入太微游氣

甲戌夜大星赤光出參宿行入四瀆旁

十月亥朔占城貢象

淳泥國王麻那加惹那乃卒於會同館賜祭塋安德門外謚
恭順

丙子瓦刺馬哈木等遣使貢馬

福建山西布政司右叅政房安陳壽為工部左侍郎

廣東右布政使徐奇率奇浦城人由監生擢戶科給事中永

樂初進都給事中頗低薄好訐人及在嶺南廉勤愛民能改

過矣

己卯修皇陵

交趾太原宣化二州俱進府

庚辰工部左侍郎房安失奏對降山東右叅政

夜大星出天輦東南色黃潤出而不行蓋周伯德星云

辛卯都督同知譚青劉江俱為右都督都督僉事冀英曹得

薛貴曹陰陳亨朱廣方敬俱都督同知都指揮使冀中梁福

馬聚為都督僉事都指揮同知雷春李順俱指揮使

壬辰禮部尚書劉觀請豫市藥療馬工不聽曰牧馬得宜

自無疾者需藥豈不厲民也

癸巳肅王模獻馬二千匹

安王程之國平涼

改順天稅課司為都稅司

甲午交趾都指揮使張欽率欽象人以雲南右衛指揮使欽

黎賊奇羅海口部卒李保生擒衛王黎澄
丁酉勅甘肅總兵官左都督何福曰得奏欲取西平侯家善
馬孳牧之太祖時勲貴家皆令畜馬蓋共享富貴之意此舉
其止勿言
己亥勅宣府備禦武城侯王聰同安侯火真還北京
庚子豐城侯李彬克總兵官都指揮江浩蔡斌副之練綠江

舟師
壬寅起復右春坊右庶子兼翰林侍講楊榮
十一月朔復陳灝楊祥監察御史俱坐罪謫

丁未設陝西威鎮蕃二衛及鎮夷守禦千戶所

戊申遊旺襲淳泥國王還國舊淳泥歲貢瓜哇片腦四十斤

求勅止之

設乞塔河衛女直野人

己酉潘王模之國潞州

甲寅勅太子太師淇國公丘福吏部尚書兼詹事蹇義兵部

尚書兼詹事金忠翰林學士兼左春坊大學士胡廣右春坊

大學士兼翰林侍讀黃淮右庶子兼侍講楊榮左諭德兼侍

講楊士奇右諭德兼侍講金幼孜司經局洗馬姚友直等輔

導皇長孫
夜大星光青白出
丙辰江西道監察御史子敬李賢為左春坊左中允宛平縣丞梁敏為左贊善山東道監察御史劉子春河南道監察御史韓守益為右春坊右中允行人邵昇為湖廣按察使
丁巳法司論囚三百餘人
上恐有冤令行人持節諭得自
訴又許讞釋二十餘人

庚申作皇陵祭器

丁卯日本入貢

十二月免交陞有司官入朝

丁丑中官張謙行人周航護淨泥國王遐旺還國封其鎮國

山立御製碑

己卯雲南孟良府土知府刀交貢象及金銀器禮部以嘗構

兵侵鄰欲卻之
上曰往事不足責

庚辰勅諭北京官吏父老軍民宜力本砥善有冤抑朕至日

悉許拍陳

瓜哇國西王都馬板貢黃金萬兩謝罪禮部欲責其餘員

上曰朕欲柔遠豈利其金耶餘免之諭以勅

其職遲羅入貢其金陳納民之命以時
癸未夜大星出參宿行入南河旁二小星隨之
甲申鑄行在府部院寺錦衣衛等印內府尚膳等監兵仗等
局鑄印隨駕
都指揮使李龍指揮王雄領兵六千人往沙門島防倭
乙酉前湖廣右布政使儀智為禮部左侍郎山西右叅政蔚
綬為戶部右侍郎廣西祿州判官湯宗為大理寺右寺丞
丙戌以晉王濟熿通市西番賜烏思藏闡化王青錦等勅戒
之并責長史等官

庚寅進士陳智吳中為監察御史

日本國世子源義持告父源道義之喪遣中官周全往祭謚
恭獻復封義持日本國王

辛卯安遠伯柳升充總兵官平江伯陳瑄副之率舟師防倭

癸巳右軍都督僉事馬榮轉漕北京

都督僉事吳允誠于荅蘭柴秉誠子別力哥等請率騎兵巡
邊自效許之時鬼力赤被弒太師阿魯台立本雅失里為可

汗

甲午蕪湖教諭陳琦為廣西道監察御史

都指揮使李達討西寧申藏簇番
靈丘李文秀妻米氏一乳生三子右僉都御史史仲成以聞
詔遣官賜米鈔皆月給米五斗十歲乃止後俱入邑庠讀書
丙申令教官考滿吏部拔其才識者辦事六科一年始甄用
丁酉交趾總兵官黔國公沐晟討賊簡定戰於生厥江敗績
都督僉事項城呂毅兵部尚書江陵劉儒交趾布政司左叅
政武城劉昱皆死之毅濟陽衛百戶從靖難沉深有勇略深
入陷陣死儒洪武乙丑進士授兵部主事歷左侍郎建文時
侍中鎮叅有智數善應變至是軍敗被圍自經

戊戌豐城侯李彬充總兵官都督費瓖副之自淮安沙門島
緣海防倭

都指揮羅文克總兵官指揮李敬副之自蕪抵浙緣海防倭
如值豐城侯聽節制

己亥興平王尚焯來朝

禮部尚書劉觀刑部尚書呂震易任戶部右侍郎蔚綬改禮
部

庚子都指揮姜清張真充總兵官指揮李瑄楊衍副之往廣
東福建防倭如值豐城侯聽節制

是歲罷浙江溫處銀鉛坑冶
始設堯馮府通判州判官縣主簿

...

己丑永樂七年

正朔辰朔外官來朝

丙午入覲官陞辭工諭之

己酉大星出柳宿行至游氣

庚戌山東道監察御史何晟陪祀鳳陽皇陵行御道入殿狎
玩大不敬棄市

辛亥嚴邊關茶禁國初番人工馬給茶八十斤中馬六十斤

下馬四十斤及上通增其數碇門茶馬司用茶八萬三千

五十斤止易羸馬七十匹故嚴之

右春坊右庶子兼翰林侍講楊榮母喪陞辭命起服扈從

壬子倭犯東海千戶所

癸丑元宵節賜假十日張燈弛夜禁著為令

甲寅諭北巡所歷郡縣正官一人朝見

乙卯上南郊

丙辰皇孫瞻璵生於禁林

戊午涼州都督僉事吳允誠率騎同都指揮劉廣等覘於

亦集乃

甘肅總兵左都督何福鎮守寧夏寧陽伯陳懋出塞哨

吳荅蘭等

壬戌朝鮮入貢

癸亥命翰林學士胡廣侍講楊榮金幼孜扈從

甲子平江伯陳瑄充總兵官都督宣信副之督北京魏運

丙寅命都督馬榮率山東河南官軍衛河魏運

庚午交趾總兵官沐晟求濟師命英國公張輔總兵往

辛未交趾左布政使張顯宗率顯宗寧化人洪武進士

授翰林編脩歷國子祭酒建文中工部侍郎坐事免交趾平

起官交趾未安勞來撫綏民皆德之

二明成朔勅皇太子監國示聖學心法書四卷居道道臣道父道子道

仍梓行之

夜大星出左旗旁行至雲中五小星隨之

乙亥命禮部遣使於經蹕存問高年八十以上賜肉五斤
酒三斗九十以上加帛一

滿刺加國入貢
丙子起致仕長沙知府劉彥才等九十二人分署各郡縣
榜葛刺國入貢

戊寅諭右春坊大學士黃淮左諭德楊士奇盡心輔導

己卯冊貴妃張氏賢妃權氏順妃任氏昭容王氏昭儀李氏

嬪好呂氏美人崔氏
張氏河間忠武王女王氏蕪人餘皆朝

河決陳州

庚辰泉州知府姚懋為應天府尹

國子生汪藻李節劉伯蘊金文英萬質史壽署六科給事中

翰林侍講鄒緝左春坊左司直郎徐善述主禮闈

辛巳告北巡於郊廟社稷

行在戶部尚書夏原吉兼行在禮兵部都察院事

鑄北京皇城四門銅符及夜巡銅牌

壬午英國公張輔為征副將軍總兵官清遠侯王友副之

會征夷將軍黔國公沐晟討交趾叛寇

上發京師

癸未次滁州

北京行部左侍郎康汝楫卒汝楫武功人官燕府長史司錄事恭謹無失遷安岳知縣有治績上即位來朝擢令官上悼之子爵授工林苑左監正禮左監副

丙戌夜金星犯外屏

丁亥忠誠伯茹瑄卒於錦衣衛獄瑄衡山人入太學授承勅郎遷左通政歷通政使右副都御史太子少保兼兵部尚書建文中改吏部降河南布政使尋復兵部事上進對賜告還長沙不朝谷王被劾頌繫瑄惶懼仰藥死瑄雍容凝重不

妄言笑

太祖目以賢者晚不自保人皆惜之

談遷曰漢文帝脩代來功其後絳灌猶時見疑茹瑄最

太祖所信用也雖忤黃太常子澄有中州之行然地偏勢嫌何功而致此茅土子日者宜席藁辟穀得為布衣足矣不是之圖嚇其腐鼠一下請室生望已絕史謂上將釋之無幾聞其卒甚惜之蓋飾說也瑄沒後詰仰藥之繇子銓坐殊死男女沒入官刑渥之凶又何惜哉

戊子 上次鳳陽祭陵遣祭祖陵

己丑遣祭靈壁陣亡將士

庚寅前右春坊右贊善兼翰林檢討王汝玉降典籍以脩禮
書篆制當戎邊監國宥之

癸巳次徐州親祀徐王墓

戊戌庶吉士王仲壽進士杜春大寧訓導朱敏麗江府檢校
楊脩國子生劉子輔張觀鄭璘劉保陳耘張睿王璠張善俱
為監祭御史

己亥禮闈得貢士陳燧等九十五人並隸太學俟駕回廷
對

上至濟寧魯王肇輝來朝善為容上錫賚甚厚又賜米千石

壬寅次東平諭侍臣曰漢東平王蒼對明帝為善最樂言可
味也

三甲辰朔望祭泰山

丙午廣東都指揮花英楊瑒前南征賄清遠伯王友迂道徑
還欽州事聞免官從南征自贖命
己酉戶科都給事中胡濙出使道賢雞獲雙白雉獻行在

辛亥次景州望祭恒山

乙卯北京後行軍都督僉事平安自殺安滁人襲濟寧衛指
揮僉事洪武末擢右軍都督僉事禦靖難敢力戰數有功

上固嫌之至是語曰平保見小字猶在乎安聞之列次
丙辰勅海運總兵官陳瑄等漕舟必會安遠伯柳升兵護送
勦倭寇景州望祭山

召豐城侯李彬回京

辛酉汾州訓導張宗義衡山教諭蘇玉宿遷訓導張瑛為吏

科給事中與國訓導夏廷振儀封教諭張華為戶科給事中

忻州訓導延瑁黃梅訓導王宣為禮科給事中平原訓導希

文為工科給事中國子生王渥為四川道監察御史

太原地震

壬戌上至北京御奉天殿受朝賀

癸亥大賚北京官吏軍民

甲子行在兵部左侍郎方賓為尚書

召文武大臣諸翰林從游萬歲山賜宴命大司馬之民務

交趾進白象

丙寅釋北京囚戍正畿內耆民來朝

丁卯置葛林把城札肥河忽石門札嶺木吉里哥吉河納刺

吉忽兒海木東河好屯河十一衛

戊辰都督僉事吳允誠等獻俘二十二

夜大星出土司空旁入天廟

庚午大宴文武群臣及北京耆民仍賜勅諭

壬申晏遠伯柳倭於青州之海中靈山斬溺七集

四朔酉朔都督僉事吳允誠為右軍都督同知

丁丑遣都指揮金塔卜歹科給事中郭驥齊書諭本雅失

里并賜其臣阿魯台馬兒哈咱脫火赤哈失帖木兒綵幣各

四十

夜大星出文昌行至游氣

海盜阮瑤等寇欽州擊敗之獲二十七艘

十一

庚

癸未朝鮮琉球入貢

甲申進士陳勉林泰潛溟俱為監察御史

丙戌編紫荊居庸古北喜峰董家山海六關出口勘合各百

閏道驗放

丁亥召鎮守遼東保定侯孟善回京

撤馬兒罕國入貢

庚寅工間太子譴青刑部尚書劉觀賜書曰群臣雖細

故勿遽折辱亦不可偏聽機務之重稍有所忽累德不細

壬辰趙王高燧侈費歲止給米三百石鈔千錠

鎮守貴州鎮遠侯顧成好殺俘獲百工勅戒之曰李廣殺降

禍貽子孫卿鎮邊疆必蠻夷懷服其德渥矣慎之慎之

癸巳置伏里其乞勒尼二衛敷答河千戶所奴兒干百報

已亥賜皇太子書優容群臣勿任好惡凡功臣犯罪調發

將士須奏決重刑勿失其意

閏四月設奴兒干都指揮使司東寧衛指揮康旺為都指揮同

知千戶王肇舟等為都指揮僉事

甲寅和州學正倪懷敏為北京道監察御史

乙卯夜大赤星出雲中行至雲中

丙辰行在錄因

戊午徙大同左右二獲衛於天邊鎮朔尋改大同左右二衛

己未行在左副都御史李慶憂去命起復

甲子安肅縣前雨雹命免田租

乙丑新喻縣致仕大使教如淵啟 監國曰細民安業宜慎

擇守令按察司仍歲二月出巡郡縣察其廉貪而去留之

監國紉之召如淵至當署縣特命署臨江府事

丁卯都指揮同知張勇嗣母鄉伯張興姪

設北京賢鈔提舉司

皇

夜大星光青赤出候星旁行入天廟二小星隨之
戊辰大理寺右評事王恪改廣東道監察御史

庚午設茂山衛隸大寧都司

五月申朔召諭北京父老

安邑縣教諭白威言民饑苦科徵其稅糧乞折收鈔帛監

國命停徵罪縣官進威安邑知縣

甲戌錢塘知縣黃信中青田知縣謝子襄開化知縣夏升各

為杭州處州衢州知府皆循吏考滿邑人乞留

丁丑武城侯王聰同安侯火真率三千騎練兵備宣府

十一

己卯定山陵於昌平之黃土山形象廖均卿所擇 上臨視

封曰天壽山

癸未都指揮使馬旺都指揮同知陳翼復貴俱為中軍都督

同知

甲申輔國將軍贊傑卒故請江王守謙第七子獨孝弟

前湖廣按察僉事周鑄刑部郎中孟周俱為監察御史進士

曹常為北京道監察御史

夜大赤星出房宿西行至雲中

乙酉改忽見海衛為弗提衛

志

戊子脩安陸江隄
己丑罷四川採木軍各還家

思南宣慰司教授趙緯仍禮科給事中

庚寅山東道監察御史周幹為左春坊左中允

辛卯置邊城調軍勘合

壬辰交趾總兵官英國公張輔等屯北江之仙游縣造舟招

諒江北江太原等逃民復業時簡定偽大越上皇從子陳季

擴冒陳氏偽皇帝改元重光安南人不忍棄陳氏多相率歸

季擴出沒為患

十六

太包汝楫曰交趾與滇壤接戶口視中國十三文皇帝

與師平定入版章十餘年矣用漢法易戎索叛亂踵起旅

棄之向使拊御得宜更絃以漸濡濯聲教寧遜滇南哉論

者不撥後事而答前謨若解大紳輩民所謂書生耶

乙未封刺馬哈木順寧王太平賢義王把禿孛羅安樂王其

階俱特進金紫光祿大夫賜印誥時哥汗本雅失里寢弱馬

哈木等不肯與朝會至是皆上表貢貂馬

丙申夜大星光燭地出天江南入冀宿

戊戌臨潼知縣譚福揚州經歷孔會福建都司斷事李原暹

為監察御史
己亥琉球國山南王汪應祖入貢
六月寅朔汶上知縣史誠祖為濟寧知州誠祖久任廉平寬簡
前上北巡遣御史課最特勅勞之以揚州同知張騰貪虐徵
下獄
渾河決固安縣傷稼
甲辰前河南按察副使裴連為廣東道監察御史
御史袁綱覃珩有罪監國下之獄綱珩至兵部索卑隸通
武庫主事李貞遣卑隸葉轉等四人就役指其受金左都御

史陳瑛請下貞獄
傳貞語索首飾納贖不能應
轉至貞及卑隸三人皆不承皆死三日矣
伏罪刑科右給事中耿通并劾瑛
乙巳蜀世子悅燒薨
丁未設班京宣化清平居庸榆林鎮安懷來宣城寧國威遠
德勝等衛
夜大星光燭地出彗星南行至近濁
己酉諭皇太子命黃淮楊士奇送高皇帝御集及洪武

實錄於北京仍以翰林鄒緝梁潛李貫王洪并選廷臣謹厚
篤實文學可稱者數人偕來至是
庚戌夜用犯心宿前星

辛亥申諭功臣并錄洪武間鉄榜示之勅未及知與國及盛
命在外諸司官免朝行在

百戶李咬任報本雅失里殺我給事中郭驥指揮今駐臚

胸河欲襲兀良哈諸衛寇邊上命塞上嚴備

萬載知縣舒仲誠黃州訓導許勝監生朱侃劉洵潘浩陳禮

李本俱為監察御史東宮

壬子朝鮮入貢

甲寅東宮起復司經局洗馬兼翰林編脩楊溥

丁巳迤北偽國公阿灘卜花朵來等來歸勅軍夏總兵陳懋

善撫之

己未復徐新監察御史行人程賜前同新謫滄州亦除監察

御史嚴州經歷彭齡為禮科給事中

壬戌江西道監察御史方恢匿父喪東宮命執赴行在

乙丑大理寺少卿虞謙為右副都御史

淮水溢壽州

丙寅勅瓦剌使臣取道亦集乃母經哈密如亦集乃未便取
他道
黃州訓導萬景修邵陽訓導韓衡為監察御史劍州學正李
達為右春坊右司直郎東宮
丁卯簡御史張循理等二十人赴北京上問其自張循
理張睿歐陽謙等二十四人由進士監生洪秉龍士安等四
人由吏部上曰御史朝廷耳目大須學識何更為改洪秉等
序班命御史勿復用吏歐陽謙文學稍優改翰林編脩又四
人迂懦降知縣

十九

鳳陽大雨水

戊辰上御奉天門語及水旱右通政馬麟曰水旱天也間

一二處有之何慮上曰非也洪範雨暘昏人事致之顧尚

書方竇等曰其擇賢守令則民安民安則應於上

交趾總兵官英國公張輔進慈廉州攻喝門江粉社營皆破

之進廣威之孔目柵偽金吾將軍黃巨欽等皆遁

己巳禮科給事中傅安等還自哈烈撒馬兒罕各隨使及火

州入貢尋遣安等送哈烈使臣還

庚午徙青州等貧民於冀州一百餘戶

道監察御史

庚寅武安侯鄭亨備禦開平

辛卯密雲縣獻嘉禾群臣欲表賀止之

乙未韃靼丞相答卜王亦兒忽禿與往哥平章都連脫兒赤

司徒禿魯塔失國公卜答失里同知朵兒只速可同僉阿東

等三萬餘人來歸寧夏上勅勞之

丙申遣中官徐亮勅勞木邦軍民宣慰使罕賓時入貢言緬

甸宣慰使那羅塔數誘我叛力拒之故有是命

丁酉旦老人星見丙位其色赤黃

古里國王沙米的入貢

戊戌階州妖賊王金剛奴伏誅賊久亂潛遁至是私還里捕

得之

藤縣教諭王綱隴州判官汪衡為兵科給事中

是月前北平都指揮僉事謝芳為後軍都督僉事張毅為北

京留守後軍都督僉事

八月朔丑占城入貢

交趾賊鄧景異等攻盤灘都指揮同知儀真徐政力戰飛槍
洞其脇政猶督衆殊死鬪賊敗去政腹潰死盤灘最要地藉

以全...
戶部右侍郎王鍾卒鍾字公虞華亭人起掾史成速東薦授
行太僕寺典簿進燕王紀善從 世子城守恭慎不懈永樂
初授北京行部郎中沉厚詳雅臨決如流亦未易才也
己巳設北京五城兵馬指揮司
己酉夜月犯十二諸國周星

庚戌夜月犯壘壁陣西第一星

辛亥台温大雨水

壬子韃靼國公阿灘下花等至北京授右軍都督僉事餘授

廿三

指揮千百戶鎮撫等官有差

甲寅征大將軍等敗沒於臚胸河立福出塞先驅至臚胸

河遇前鋒以輕騎千餘摧敗之乘勝渡河獲一尚書酒

之問可汗安在云壯遁去此可三十里福大喜疾馳前諸將

皆曰非真敗也恐誘我今後兵未集毋寧俟其集而先遣

精騎覘之福按劔怒以尚書為道薄其營相持一日戰

輒引卻福益銳安平侯李遠泣諫曰將軍不念廷諭乎而驟

亂若此何自取敗亡為也武城侯王聰交沮之不聽以同安

侯火真胡故人使詐與和自率騎繼其後火真猶豫未決

福厲聲欲斬之先驅而行從騎皆泣下諸將勉從之張左
右翼圍我李遠王聰率五百騎突陣斬首數百皆死之福與
王忠火真被執並死之急擊後軍無脫者所失亡數萬福鳳
陽入事燕邸積年勞至護衛千戶有膂力慙朴勇鷙不甚曉
文義而善撫士卒起請難其募畫志計不能如張玉而敢戰
深入過之及封賞論功第一年六十七李遠懷遠人蔚州衛
指揮僉事善騎射沉毅有膽力言論侃、自許忠義年四十
六王聰斬水人燕山中護衛總旗進百戶年五十三王忠孝
感人初指揮守蔚州同李遠降年五十一火真居開平乾柴

山嶺國初來歸授燕山中護衛千戶以勇著年六十一
談遷曰甚哉籌邊之難也胡奎請迎陳天平而陰殺之阿
魯台謀款旋刺我使臣狡逆叵測此非舞干所能格也本
雅失里之初心衆未附降胡接踵謂垂敗之、尺組可縛
故淇公揮劍無前滅此朝食迨驚塵沸天捐十萬之甲以
填臚胸猶未塞也嗟乎蜂蟻有毒况冒頓之餘腥乎上
在潛邸教出塞北自後陰山斷牧者十餘年兵有時而變
不得以前事為準也嗟乎靖難元功無一善燭下張玉隕
首於東昌未能招魂於嶺表丘福委骸於窮漠張輔晚喪

於也先彼功名冠諸將略可觀矣噫北望榆川鼎湖之淚
如新也何論彼元功哉

戊午設愛和把河二衛女直野人

庚申交趾總兵官張輔敗賊賊子閔初鄧景異據南策州盧
渡江輔向賊子閔偽金吾將軍阮世每以衆二萬守之輔率
雲陽伯陳旭都督朱廣都指揮俞讓方政等乘風沂舟發砲
矢如雨賊卻斬三千餘級溺死亡箕擒偽校二百餘人獲四
百艘賊退保黃江

辛酉召開平備禦武安侯鄭亨還

中

進士韓縉趙惟恭王志林伯宗韓泰鄭傑俱為給事中周珏
邵彥輝楊諱居伸鄭辰鄧試祥俱為監察御史

甲子脩海鹽縣石隄六百餘丈

繁峙縣獻嘉禾二百七十九本禮部欲表賀不許

河南遂平縣水傷稼乞輸鈔代稅從之

張輔兵至盧渡江太平橋鄧景異先遁遂招諭難民復業而

交州北江諒江新安建昌鎮蠻諸郡皆安

己丑韃靼知院迭兒必失等來歸命寧陽侯陳懋迎勞之

戊辰長葛訓導張時為刑科給事中

東宮

九廟午朔日食

封甘肅總兵官右軍左都督何福寧遠侯

張輔敗賊鄧景異於太平海口初遣都指揮方政李龍等擣

之賊三百餘艘分迎接戰斬五百餘級景異脫身遁

幸未誅江西妖賊李法良先劫安福縣敗走吉水獲之

壬申韃靼虎力罕等來歸留居京師

癸酉夜大星出天庖西南行至游氣

甲戌工開臚胸河敗績歎曰丘福復驚喪師朕失於知人

也決策親征贈故安平侯李遂莒國公謚忠壯故武城侯王

聰漳國公謚威毅命其子襲爵

削丘福淇國公封爵奪誥券徙其家海南

洪熙初當例宥以善漢庶人故不叙

子孫人為海人

十五年世貞曰淇公覆十萬之衆於一雖身膏草野而追削階

爵家登海南蓋重其敗績之罪而略其死事之忠也以靖

難元勳而猶不免故受朕之日凜若嚴霜好謀萬全抗敗

自少厥後柳婁遠隔安南七萬人以身死故贈融公謚策

敏至沐定遠麓川之捷擁兵不救以至喪大將身亦知罪

飲鳩朱平陰以為禁帥戎政不修出陷也先五萬騎無一

洪

失還者遂致犬羊馮陵乘輿失守猶各贈以王爵加之尊
名固云國家忠厚之道然軍律日懈飛捷漸希竊謂今之
處淇公雖近傷恩而後之處融國定遠平陰不免傷義任
事之臣有不得不任其責者矣
乙亥旌金吾右衛總旗張法保孝行擢尚寶司丞法保嘗判
肝臂再療祖母疾
許罪囚戎武職赴北京自陳時欲簡銳北征
丙子武安侯鄭亨率師巡邊
戊寅書諭皇太子北征

廿六

戊

勅行在五府練士繕械太僕寺送萬馬北京
己卯設耒屯吉失里木二衛女直野人
庚辰安吉右衛改通州右衛
壬午成安侯郭亮守備開平
勅瓦剌順寧王馬哈木等防
行在刑科都給事中張信為行在工部右侍郎
甲申勅甘肅總兵官寧遠侯何福練萬人從征
涼州衛指揮同知點木為都指揮僉事賜姓名安守敬
丙戌夜大星出柳宿東北行空軒轅

戊子勅鎮守大同江陰侯吳高如
探邊各屯糧食悉收入
堡深塹嚴備
揚州知府徐銘為兵部右侍郎
已丑大選各衛各王府軍士七萬
四千餘人
辛卯益五百人守登州沙門島
原守備七百人
廣東巡海副總兵指揮李珪擊
欽州海盜敗之追至交趾萬
寧縣殺溺亡筭
壬辰旌南昌武寧人陳仲賢
孝行屢到肝股愈母疾擢鴻臚
寺司儀署署丞

廿七

丁酉東宮禁青龍山採石以工部司吏汪如海言山近
孝陵

十月亥朔命上召諸將諭親征之策
漸移營東南或往攻瓦
刺我二月出塞持二十日糧可至其地
覺而遁亦可追也
命行在戶部尚書夏原吉議餽運
上曰武剛車足可轉餉
然道遠人力為難朕欲沿途築城貯餉
以俟大軍其法便遂
議武剛車三萬乘轉餉二十萬石
踵軍行踰旬築一城又踰
旬又城之每城量貯餉留守名城曰平胡殺胡
遲羅入貢

廿

庚子韃靼頭目失保赤等來歸授失保赤軍都督僉事
設阿倫衛女直野人
辛丑韃靼知院禿赤等來歸寧夏總兵陳懋遣入京
張輔也清化陳季擴自稱前王陳氏後致書求封輔曰奉命
討賊不知其他斬使者改自始進師都督朱榮蔡福先驅輔
舟進自黃江阿江大晏海口至福成江轉入神投海口皆決
其障柵踰旬會兵於清化簡定已走濱州季擴走又晏餘黨
阮帥胡具鄧景異皆敗走
夜天鳴

癸卯設塔麻速衛女直野人

戊申夜大赤星出華蓋北行至游氣

壬子徐禎嗣武康伯徐理子

寧國衛改涿鹿左衛

乙卯諭天寒百官於右順門便殿奏事

丙辰右軍都督僉事陳春卒壽州人

戊午撤馬兒罕入貢

徽州府同知劉敏卒敏河南人舉賢良居官蔬布強毅
通洽嘗採木與民同甘若平時空橐郡人慕之不置

辛酉翰林典籍金寔為左春坊左司直郎東宮

甲子命兵部覈北征將士存沒

乙丑榜葛刺國王霜牙思丁蘇門答刺國王宰奴里阿必丁

各入貢

是月甘肅總兵何福送降胡把禿等二十七人至京授把禿

北京留守行後軍都督僉事伯克帖木兒哈刺你敦皆右軍

都督僉事餘指揮千百戶有差把禿賜姓名曰趙忠美伯克帖

木兒曰宋一誠哈刺你敦曰張隆善演只不花曰王懋忠撒

兒梳曰劉允信餘皆賜姓名

缺

十九

十一月^長亥^日上御奉天殿受朝賀

夜月犯壘壁陣東星

戊寅和州知州康慶仍監御史

校陞總兵官英國公張輔征夷將軍黔國公沐晟獲渠帥簡

定等定至巨勒丹欲從地丹趨夫闌鎮拒我晟進焉江南趨

巨勒丹都督朱榮都指揮羅文等復從磊江上牛鼻關輔率

都督朱廣都指揮陳懷等趨地丹抵天關鎮簡定已走多杯

丹追至美良縣吉利丹定寓民舍望見震恐棄馬走入山園

獲之并偽將相陳希葛阮汝勵阮宴等

辛巳免惠明府田租秋水傷稼
丁亥夜金星犯罰星
巳丑夜木星出天園西南行至游氣
癸巳命寧遠侯何福舉部將才智者
甲午兩淮都轉運鹽使伏伯安為工部左侍郎蔣庚璣為右
侍郎
丁酉思恩侯房寬卒寬陳人大寧行都指揮同知督諳邊務
而失士卒心靖難師至縛以降數從征有功賜葬
夜大星出奎宿行至近濁

十二戌朔王琰嗣武城侯聰子李安嗣安平侯遠子

前山西布政司左叅政李剛為工部左侍郎

甲辰鎮守大同江陰侯吳高運米蕞各三萬石於萬全衛

戊申行在工部左侍郎兼少詹事趙毅坐事謫交趾

守京城門內使王烈言城門即某不即役城門即言母疾嘗

白內使暫歸即來太子逮烈重戒內使言事不實者

庚戌以濟寧至良鄉民久運免本戶田租一年

壬子進寧陽伯陳懋為侯祿千三百石

都督譚青率兵赴北京

夜月犯火星

甲寅浙江福建道監察御史陳灝徐敬為左右春坊左右中

允

左春坊左中允周幹等劾吏部右侍郎師遼採木湖廣嚴急

激李法良之叛令停採木擅留軍起運宜罪 皇太子侯駕

旋議之

丁巳鳳陽推官侯諒為廣東道監察御史

乙丑召交趾總兵官英國公張輔副總兵清遠侯王友率都

督朱榮蔡福林帖木等還北京

朝鮮入貢

湖廣布政司經歷董暹為河南道監察御史

丙寅安邑縣乞停逃民逋租

上諭行在戶部凡各郡縣逃

民悉停徵

始立東廠刺事內官主之

談遷曰自遜國萍梗流聞無據 上之積疑益不可解於

是命胡給事濙訪張玄鄭太監和下西海旁皇卻顧猶未

懍於心瑞校刺事布彌天之網牢籠一世孰知其流弊極

於後裔如振如直如瑾如忠賢深械叢罕胥天下而禍之

以

也嗟乎靖難時狗兒諸闖習馬上之業故寄腹於左貂專
使分闡詔獄相籍不已末勢淪胥與漢唐同轍追其所自
文皇帝之於履霜踈焉矣

五鼎盡曰自茲國美外
遊支東履陳帶
為書

天
工
合



程